


廣平府志

ル 5
1572
24



門 八 〇 〇 五
1372
24止



重修廣平府志卷六十二

志餘上 祥瑞 外紀 雜稽

祥瑞

漢
明帝永平十七年春正月甘露降於甘陵 後漢書明帝紀舊志誤作

清河

和帝永元 舊志誤作永興十六年四月戊午客星從紫宮西行

至昴 後漢書天文志案晉書天文志清河入昴九度客星至昴此清河王子安帝即位之兆

案舊志載有晉武帝泰始年甘露降於清河五年鳳

凰見於趙國成帝咸甯元年清河甘露降二年清河

木連理考晉書五行志及本紀均無此文據地理志
韻編晉時趙國在今趙州高邑縣西南與府境無涉
紀元編成帝年號曰咸和咸康而咸甯則武帝年號
也舊志舛誤概為刪除

北魏

太祖天興四年五月魏郡斥邱獲白鹿王者惠及下則

至魏書靈徵志

太宗永興二年十月嘉禾生於清河郡

孝靜帝天平二年四月臨水木連理三年五月司州上
言清河郡木連理四年六月廣平郡上言木連理

武定元年正月廣宗郡獻白雉

三年五月廣宗郡獻白鳥俱同上

案舊志高祖延興八年齊州清河郡獻白雉世宗延
昌二年甘露降於齊州清河考地理志韻編齊州清
河在今山東濟南府境不錄又北齊書天保年醴泉
出於清河查史書不載附記之

宋

太宗太平興國四年七月洺州獻嘉禾宋史五行志

五年八月知慈州張愈獻合穗禾

涪化四年舊志誤作端拱二年邯鄲縣民鄭安妻一產三男

真宗咸平二年七月洺州嘉禾合穗

景德四年七月貝州嘉禾合穗

大中祥符七年邯鄲縣民馬文田禾隔隴合穗者二本

九月貝州嘉禾合穗

天禧四年平恩縣民劉順妻一產三男

仁宗景祐元年七月九月磁州嘉禾合穗

神宗熙甯十年磁州禾合穗

哲宗元祐二年磁州禾異畝同穎

三年磁州禾合穗俱同上

案舊志太祖乾德四年洺州嘉禾一莖三穗開寶五

年貝州嘉禾合穗太宗太平興國年貝州貢紅鵲至

道元年白鶴鶉見於貝州查宋史五行志及本紀均

無此文未知舊志何據附記備考

金

章宗明昌初年磁州人劉軌家池中有蓮一莖十三花

舊志元陳儼詩劉郎種得不計年庭前池水清且漣當年長出玉井蓮中有脈脈春無邊一莖秀出十三葩錦絲嫵媚凌輕煙初疑武夷山中會真仙霓旌羽蓋雙雲駢雲舒霞捲接後先又疑金像如來應世緣六七妙相見福田化身要見百億千本來一莖生一花似此嘉祥豈偶然天地造物豈有意君家效靈乃爾偏此花始生明昌前品題已竟多名賢溢陽溫和水有源君家第宅居其邊伯氏仲氏齊飛騫一門煒煌圭祖聯恨無大筆如修椽為君別賦祥蓮篇王輝詩遙遙觀卿臺近接槐西圃劉君久卜築林野蔽亭宇貯藏物外春祥蓮

發深渚一莖十三葩雙頭並無語風流勝六郎洗豔疑
素女褰帷對佳麗凌波看微步封疏奏禎祥觀者爭相
語氣和物自盛事異世希覩有君遺澤深馬服乃鼻祖
諸郎藉餘芳俊又何楚楚起家漢賢良接踵漢渠府一
門藹情芳輝聯富簪組爲
君續夷堅作詩播今古

四年洺州野蠶成繭金史五行志

泰和二年八月磁州鼓山石聖臺有大鳥十集於臺上

其羽五色爛然皆以爲鳳凰也留二日西北去同上泰和四年

年六月磁州鼓山北石聖臺鳳凰見鳳從東南來衆鳥
周圍之大者近內小者在外以萬萬計民懼爲官司所
擾謀逐去之驅牛數十頭擊柝從之牛未至二里許有
鷺鳥振翼而起翼長丈餘下擊二水牯肉盡見骨水牯
卽死於是衆始報官鳳凰高丈餘尾作鯉魚狀而色殷
九子差小翼其旁鳳爲日影所照則有二大鳥更迭盤
旋庇廕之至日入則下留三日乃從西北摩空而上鳳
去後人視其處有鯉魚重五六十斤者食餘尚有數頭

臺旁禽鳥翼兩溝皆滿小禽不敢飛動餓死者不可勝
計村民疑臺下有異私掘之三尺餘石罅中直插金劍
一取不能盡擊折得其半以火煨欲分之劍見火化金
蟬散飛而去 癸辛雜識據此文年月與史書不合未
是知孰

案舊志載有元世祖中統六年恩州進嘉禾考地理
志韻編元時恩州在今山東恩縣境不錄

明

宣宗宣德九年磁州西佐里獲白兔舊志參磁州志

世宗嘉靖十年祥瓜生於曲周縣丞侯廷訓宅繪圖獻

詔賜帛康熙志參舊志

二十三年春正月廣平縣儒學明倫堂有烏銜赫蹏挂

槐樹上色正黃招搖類旗旄邑久無進士是歲馬快登

第或謂此兆也

舊志參廣平志

二十五年雞澤縣學宮生連理槐

康熙志

二十六年芝產於府學明倫堂梁木其色如金

同上

三十九年冬十二月曲周冰紋如花樹

曲周志

穆宗隆慶元年廣平獲異鳥白鷲色大如羊高三尺磁

州城隍廟產靈芝六年肥鄉學宮冰紋成花樹

康熙志參舊志

神宗萬曆二年肥鄉勒馬莊李姓婦一產六子趙姓婦

一產三男

同上

七年磁州城隍廟梁復產靈芝之莖如白玉色如紫金叩

之有聲

舊志參磁州志

八年秋磁州穀有一穗兩歧至三四歧者

磁州志

三十三年邯鄲縣北五里寺內殿柱產靈芝一本高尺

餘五色熒煌夜可照丈許因名靈芝寺

邯鄲縣志

三十七年肥鄉芝產於文殊寺

舊志

四十二年甘露降於永年

熹宗天啟元年三月永年盧氏園產芝

四年永年劉氏園產芝

俱同上

莊烈帝崇禎五年芝產於肥鄉又成安說法臺達摩坐

側生蘆草一莖逾日充棟重興殿閣復產芝大如碗

康熙

志參成安志

八年成安野蠶成繭同上

十年肥鄉馬產雙駒舊志

永年胡鯉廳事梁上產芝七連三歲皆然知府程世昌

題其額曰七芝堂康熙志參舊志

肥鄉張驥中宏治己酉科張學顏中嘉靖己酉科張錫

祚中萬歷己酉科祖孫相繼其應不爽舊志參肥鄉志

永年胡瓚中宏治癸丑科胡應文中嘉靖癸丑科胡沾

恩中萬歷癸丑科應文瓚從姪沾恩瓚族孫舊志參永年志

永年申儲申僑嘉靖戊午科兄弟同榜盧大謨盧大順

杜廕杜縻萬歷丙子科兄弟同榜申靈允申為憲萬歷

乙卯科叔姪同榜胡士偉胡福宏天啟辛酉科祖孫同

榜劉鏡劉鑑天啟甲子科從兄弟同榜張五美舉萬歷

乙酉鄉試子鴻基舉順治乙酉鄉試胡福宏以天啟辛

酉壬戌聯捷子芝發以順治乙酉丙戌聯捷同上

永年宋學道與相州冀述冀體同學室供魁神像一日

夜讀久之各就寢忽見壁有光色正綠閃閃不定眾乃

祝曰卽奎光可見斗言畢而斗見眾又祝曰卽斗可見

星光隨散為五如星數眾大異之次年萬歷丙戌體成

進士又十二年戊戌述成進士至庚戌學道成進士蓋

成祥也 宋學韶奎光志

國朝

順治九年肥鄉產嘉禾成安城下烏龍見 康熙志

十年威縣城隍廟柏樹有一幹自東北向西南挺出忽

一株直上叢葉如松人咸以為瑞柏邑令龍納銘紀其

異 威縣志

十二年威縣城北寺莊集壕內水於冬月結成草木花

卉之形歷歷如畫鄉人聚觀累日識者以為人文之瑞

同上

康熙五年雞澤城壕荷花並蒂 雞澤志稟

十五年清河民鄭甲第妻宋氏壽登一百二十歲縣令

盧士傑旌其門曰壽母重甲 畿輔通志

十六年雞澤城東麥一莖兩穗 同上

五十二年曲思麻房彥妻齊氏一產三男 畿輔通志

五十九年邯鄲王姓婦一產三男磁州開河村岳家驢

生雙駒 舊志

邯鄲張澍尙書國彥曾孫康熙癸未年九十三

變輿南巡設

行幄於其家清問者久之人以為榮又五十二年恭逢

萬壽畿民八十以上者皆詣

闕稱觥邨民與者五人武之烈年八十九耿遂真年八十

三王啟建常真俱八十二刁明良年八十一邯鄲志

雍正六年威縣瑞麥雙穗舊志

曲周王鄰王郎康熙庚戌科兄弟同榜永年冀棟冀桀

康熙乙未科兄弟同榜冀方然冀方燕雍正癸卯科兄

弟同榜舊志參承年曲周志武汝清舉道光乙酉鄉試姪孫延緒

舉光緒乙酉鄉試是年汝清八十二歲重赴鹿鳴

賞加二品銜探訪冊

乾隆六年威縣郭姓妻一產三男舊志

八年廣平增生韓珊舉鄉飲介賓年九十歲五世同堂

探訪冊

五十年威縣民范三美年八十七磁州民張明龍年八

十均以五世同堂旌表畿輔通志

五十四年永年生員喬庚辛五世同堂伊父監生喬文

源存年八十五旌表

六十年永年李保忠壽登九十預宴千叟

恩賜頂戴銀牌黃緞龍頭杖並盛世龐眉匾額俱同上

嘉慶初年磁州周太壽逾百歲咸稱人瑞又有吳得位

壽九十七行不持杖時號鐵柱老人磁州續志

六年成安侯金貴五世同堂旌表成安志

續志

十二年磁州城東南隅壕中蓮一莖兩歧雙花並茂磁州

續志

十七年邯鄲姬孝宗妻一產三男邯鄲志

道光二年肥鄉路蘭妻一產三男肥鄉志

咸豐末年永年劉安智壽登八十六有子四人孫枝蕃

衍身見七代採訪冊

同治九年夏磁州城西北隅池蓮一莖三花秋皆成房

磁州續志

十年磁州生員王化成田內麥秀一莖三穗秋穀一莖

三穗軍營村黃修身田內穀秀雙歧者極多兼有一莖

三穗是年收穫倍常同上

光緒元年曲周安作玉妻李氏一產三男畿輔通志參縣志

十二年永年武大賓壽登八十五夫婦齊眉子四人孫

十人曾孫九人元孫二人五世同堂有贈楹聯云八旬

復五春夫婦齊眉真樂事雙慶晉三祝曾元繞膝是福

採訪冊

十四年曲周賈連清妻孟氏一產三男曲周縣志

十九年永年宋德中母王氏年九十餘有子一孫一曾

孫二元孫一五世同堂少長咸知禮讓鄉黨匾其門採訪冊

外紀

周

趙武靈王惠后吳廣女王夢見處女鼓瑟而歌曰美人
熒熒兮顏若若之榮命乎命乎曾無我羸異日王飲酒
樂數言所夢想見其狀吳廣聞之因夫人而內其女娃
羸子孟姚也有寵於王是為惠后史記趙世家

漢

文帝慎夫人邯鄲人上幸上林皇后慎夫人從其在禁
中常同席坐及坐郎署長布席袁盎引卻慎夫人坐慎
夫人怒不肯坐上亦怒起入禁中盎因前說曰臣聞尊

卑有序則上下和今陛下既已立后慎夫人乃妾妾主

豈可與同坐哉且陛下幸之即厚賜之陛下所以為慎

夫人適所以禍之陛下獨不見人鏡乎於是上乃說召

語慎夫人慎夫人賜益金五十斤史記袁盎傳上常身衣弋

綿慎夫人衣不曳地帷帳無文繡以示敦朴為天下先

漢書文帝紀又有尹姬亦邯鄲人與慎夫人同侍文帝皆愛

幸無子漢書后妃傳

南粵王嬰齊娶后邯鄲人嬰齊宿衛在長安時所娶生
子興及即位立為后嬰齊薨興嗣立其母為太后的上書
請比內諸侯許之會其相呂嘉作亂攻殺王太后漢遣

韓千秋與后弟摎樂將兵往粵以兵擊千秋等滅之使人函封漢使節謝罪上曰韓千秋雖亡成功亦軍鋒之冠封其子延年為成安侯摎樂其姊為王太后首願屬漢封其子廣德為襲侯

漢書南粵王傳

三國

文德郭皇后廣宗人少而父永奇之曰此乃吾女中王也遂以女王為字早失二親喪亂流離沒在銅鞮侯家太祖為魏公時得入東宮后有智數時時有所獻納文帝定為嗣后有謀焉太子即王位后為夫人及踐祚為貴嬪黃初三年文帝立為皇后

后上表謝曰妾無皇英釐降之節又非姜任思

齊之倫誠不足以假充女君之盛位處中饋之重任后自在東宮及即尊位雖有異寵心愈恭肅供養永壽宮以孝聞是時柴貴人亦有寵后教訓獎導之後宮諸貴人時有過失常彌覆之有譴讓輒為帝言其本末帝或大有所怒至為之頓首請罪是以六宮無怨性儉約不好音樂常慕漢明德馬后之為人后蚤喪兄弟以從兄表繼永後拜奉車都尉后外親劉斐與他國為婚

后聞之勅曰諸親戚嫁娶自當與鄉里門戶匹敵者不得因勢彊與他方人婚也后姊子孟武還鄉里求小妻后止之遂勅諸家曰今世婦女少當配將士不得因緣取以為妾也宜各自慎無為罰首帝東征后留許昌永始臺時霖雨百餘日城樓多壞有司奏請移止后曰昔楚昭日出游貞姜留漸臺江水至使者迎而無符

不去卒沒今帝在遠吾幸未有是患而便移止奈何明
帝卽位尊爲皇太后進表爵鄉侯以表子詳訓皆爲騎
都尉孟武母卒欲厚葬起祠堂太后止之曰自喪亂以
來墳墓無不發掘皆由厚葬也首陽陵可以爲法青龍
三年春后崩於許昌三月庚寅葬首陽陵西

魏志

唐

武宗王賢妃邯鄲人年十三善歌舞得入宮穆宗以賜
頽王性機悟開成末王嗣帝位妃陰爲助畫故進號才
人遂有寵狀纖頽頽類帝每畋苑中才人必從袍而騎
校服光侈略同至尊相與馳出入觀者莫知孰爲帝也

帝欲立爲后宰相李德裕曰才人無子且家不素顯恐
詒天下議乃止帝稍惑方士說欲餌藥長年後寢不豫
才人每謂親近曰陛下日燎丹言我取不死膚澤消槁
吾獨憂之俄而疾侵才人侍左右帝熟視曰吾氣奄奄
情慮耗盡顧與汝辭答曰陛下大福未艾安語不祥帝
曰脫如我言奈何對曰陛下萬歲後妾得以殉帝不復
言及大漸才人悉取所常貯散遺宮中審帝已崩卽自
經幄下當時嬪媛雖常妬才人專上者返皆義才人爲
之感慟宣宗卽位嘉其節贈賢妃葬端陵之柏城

唐書
后妃
傳

五代

梁末帝張德妃清河人其父歸霸事太祖為梁功臣帝為王時以婦聘之帝即位將冊為后妃請待帝郊天而帝卒不得郊貞明五年妃病甚帝遽冊為德妃其夕薨

年二十四新五代史梁家人傳

後唐莊宗劉后成安人生五六歲晉王掠成安裨將袁建豐得后納之晉宮貞簡太后教以吹笙歌舞既笄甚有色太后以賜莊宗後生子繼岌莊宗以為類己愛之由是劉氏寵益專其父劉叟聞后已貴詣魏宮上謁莊宗召袁建豐問之建豐曰臣始得劉氏於成安北塢時

有黃鬚丈人護之乃出劉叟示建豐曰是也然劉氏方與諸夫人爭寵以門望相高因大怒曰妾去鄉時略可記憶妾父不幸死於亂兵妾時環尸慟哭而去此田舍翁安得至此因命笞劉叟於宮門同光二年帝冊劉氏為皇后后自以出於賤微踰次得立以為佛力又好聚斂宮中貨賄山積惟寫佛書饋賂僧尼莊宗由此亦佞佛莊宗崩明宗入立遣人賜死晉天福五年追諡曰神

閔敬皇后新五代史唐家人傳

宋

哲宗孟皇后洛州人眉州防禦使馬軍都虞侯贈太尉

元之孫女閣門祇候崇議使榮州刺史在女初哲宗既長宣仁高太后歷選世家女百餘人入宮后年十六宣仁及欽聖向太后皆愛之教以女儀元祐七年册爲皇后宣仁語帝曰得賢內助非細事也會禱祠獄起宰執觀望遂誣廢后出居瑤華宮號華陽教主玉清妙靜仙師法名冲真帝尋悔曰章惇誤我詔后還內號元祐皇后徽宗復廢居瑤華宮金人陷汴六宮有位號者皆北遷后以廢獨存張邦昌僭位迎入禁中垂簾聽政后聞康王在濟遣尙書左右丞馮澥李回及兄子忠厚持書奉迎王至南京卽皇帝位改元后以是日撤簾尊后爲

隆祐太后從容爲帝辨宣仁之賢帝聞之悚然迺更修實錄帝事太后極孝紹興五年春太后患風疾帝旦暮不離左右衣弗解帶者連夕四月崩諡曰昭慈聖獻后性節儉謙謹每戒勅忠厚等不得預聞朝政通貴近初受册日宣仁太后歎曰斯人賢淑惜福薄耳異日國有事變必此人當之後皆如所云

宋史后妃列傳

明

憲宗要靜妃成安要紀女成化八年選入宮二十一年

册爲靜妃

康熙志

世宗劉妃威縣劉朴女嘉靖選入宮後册爲妃陳常嬪

邯鄲陳倉女嘉靖二十六年選入宮四十一年薨追封

常嬪又吳定妃雞澤吳登女

康熙志

案秦始皇母趙姬楚考烈王后李園女弟齊後主穆
皇后三人出身太差穢惡之聲昭彰史冊故不列入
以示區別

雜稽

周

邯鄲之民以正月之旦獻鳩於趙簡子簡子悅厚賞之
客問其故簡子曰正旦放生示有恩也客曰民知君之
欲放之故競而捕之死者眾矣君如欲生之不若禁民

勿捕捕而放恩過不相補矣簡子曰然

列子

邯鄲人以正朝獻雀於趙王而綴以五彩正朝放雀求

有生也

孔叢子

武靈王二十七年五月大朝於東宮傳國立王子何以
為王自號為主父而身胡服略地欲從雲中九原直南
襲秦於是詐自為使者入秦秦昭王不知而怪其狀甚
偉非人臣之度使人逐之而主父馳已脫關矣審問之
乃主父也秦人大驚

同上

孝成王四年夢衣偏裈

舊志及通志均誤作裈

之衣乘飛龍上天

不至而墜見金玉之積如山明日王召筮史敢占之曰

夢衣偏褻之衣者殘也乘飛龍上天不至而墜者有氣而無實也見金玉之積如山者憂也後三日韓氏上黨守背秦而獻地於趙秦以是怒而戰趙於長平坑卒四十萬蓋其應也同上

壽陵餘子學步於邯鄲未得其能又失其故步匍匐而

歸莊子

楚會諸侯魯趙皆獻酒於楚魯酒薄而趙酒厚楚之主酒吏求酒於趙趙不與吏怒乃以魯薄酒易趙厚酒奏之楚王以趙酒薄故圍邯鄲淮南子

扁鵲姓秦氏名越人名聞天下過邯鄲聞貴婦人即為

帶下醫史記本傳

趙平原君使人於春申君春申君舍之於上舍趙使欲夸楚為璫瑁簪刀劍室以珠玉飾之請命春申君春申君客三十餘人其上客皆躡珠履以見趙使趙使大

慙史記春申君傳

秦昭王聞魏齊在平原君所欲為范雎必報其仇乃佯為好書遺平原君曰寡人聞君之高義願與君為布衣之友君幸過寡人寡人願與君為十日之飲史記范雎傳

應侯謂秦王曰王得宛臨東陽下斷河內臨東城邯鄲

猶口中蝨也韓非子

邯鄲郭縱以鐵冶成業與王者埒富史記貨殖傳

秦子楚為質於趙居處困不得意呂不韋賈於邯鄲見

而憐之曰此奇貨可居乃往見子楚說曰吾能大子之

門子楚笑曰且自大君之門而乃大吾門不韋曰子不

知也吾門待子門而大乃以五百金與子楚為進用結

賓客而復以五百金買奇物玩好為子楚西遊秦說華

陽夫人立以為適嗣史記呂不韋傳

秦

武臣為趙王略地閒出為燕軍所得張耳陳餘患之有

廝養卒說燕燕以為然乃歸趙王養卒為御而歸史記陳餘

傳

漢

高帝過趙問樂毅有後乎對曰有樂叔高帝封之樂鄉

號曰華成君史記樂毅傳

江都王建為太子時邯鄲人梁蚡持女欲獻之易王建

聞其美私呼之因留不出蚡宣言曰子迺與其公爭妻

建使殺蚡蚡家上書下廷尉考會赦不治漢書景帝三王傳

趙王彭祖好為吏事上書願督國中盜賊常夜從走卒

行徼邯鄲中諸使過客以彭祖險陂莫敢留邯鄲同上

新莽始建國二年邯鄲立司市錢府官漢書

光武渡河至邯鄲耿純謁見光武深接之純退見官屬將兵法度不與他將同遂求自結納獻馬及縑帛數百

匹光武北至中山留純邯鄲後漢書耿純傳

光武誅王郎收文書得吏人與郎交關謗毀者數千章

光武不省會諸將燒之曰令反側子自安後漢書本紀

光武拔邯鄲威聲日盛更始君臣疑慮乃遣使立光武

為蕭王令罷兵與諸將有功者還長安光武居邯鄲宮

晝卧温明殿耿弇入造牀下請閒因說以大計後漢書耿弇傳

李章字第公河內懷人光武即位拜陽平令時趙魏豪

右往往屯聚清河大姓趙綱遂於縣界起塢壁繕甲兵

所在為害章到乃設饗會而延謁綱綱帶文劍被羽衣

從士百餘人來到章與對讌飲有頃手劍斬綱伏兵亦

悉殺其從者因馳詣塢壁掩擊破之吏人遂安後漢書李章傳

鄧訓遷烏桓校尉故吏最貧乏者念訓好青泥封書從

黎陽步推鹿車於趙國易陽載青泥一襪至上谷遺訓

其得人心如是東觀漢記

清河王慶到國下令寡人生於清宮長於朝廷仰恃明

主垂拱受成既以薄祐早離顧復屬遭大憂悲懷感傷

蒙恩大國職惟藩輔新去京師憂心熒熒夙夜屏營未

知所立蓋聞智不獨理必須明賢今官屬並居爵任失

得是均庶望上遵策戒下免悔咎其糾督非枉明察典禁無令孤獲怠慢之罪焉

後漢書章帝八王傳

蘇章字孺文扶風平陵人順帝時遷冀州刺史故人為清河太守章行部案其姦賊乃請太守為設酒餼陳平生之好甚歡太守喜曰人皆有一天我獨有二天章曰今日蘇孺文與故人飲者私恩也明日冀州刺史案事者公法也遂舉正其罪州境知章無私望風畏肅

後漢書本傳

桓帝為蠡吾侯受學於甘陵周福及即帝位擢福為尚書時同郡河南尹房植有名當朝鄉人為之謠曰天下

規矩房伯武因師獲印周仲進二家賓客互相譏揣遂各樹朋徒漸成尤隙由是甘陵有南北部黨人之議

後漢

書黨錮傳

晉

懷帝初石勒嘗傭於臨水

臨水晉時屬司州廣平郡在今廣平府磁州西北四十里

為遊軍所囚會有羣鹿傍過軍人競逐之勒乃獲免俄而又見一老父謂勒曰向來羣鹿者我也君應為列國

主故相救耳

晉書載記參述異記

張賓言於石勒曰我聞廣平諸縣秋稼大成可分遣諸將收掠野穀勒然之

晉書載記

北魏

清河傅永嘗登北邙於平坦處奮稍躍馬盤旋瞻望有終焉之志遠慕杜預近好李冲王肅欲葬附其墓遂買左右地數頃遺勅子叔偉曰此吾之永宅也永妻賈氏留於本鄉永至代都娶妾馮氏生叔偉及數女賈後歸平城無男唯一女馮恃子事賈無禮叔偉亦奉賈不順賈常忿之馮先永亡及永卒叔偉稱父命欲葬北邙賈疑叔偉將以馮合葬賈遂求歸葬永於所封貝邱縣事經司徒司徒胡國珍本與永同經征役感其所慕許叔偉葬焉賈乃邀訴靈太后靈太后遂從賈意事經朝堂

國珍理不能得乃葬於東清河又永昔營宅兆葬父母於舊鄉賈於此疆徙之與永同處永宗親不能抑葬已數十年矣棺爲桑棗根所遶束去地尺餘甚爲周固以斧斬斫出之於坎時人咸怪未三年而叔偉亡

魏書本傳

李安世出爲相州刺史廣平人李波宗族強盛殘掠生民百姓語曰李波小妹字雍容褰裙逐馬如卷蓬左射右射必疊雙婦女尙如此男子那可逢安世設方略誘

波斬於市

魏書李孝伯傳

崔秉博陵安平人太和末除廣平內史大納財貨爲清

論所鄙

魏書崔鑒傳

晉州刺史高歡以頻歲霜旱請令就食山東乃自晉陽出滏口路逢爾朱榮妻北鄉長公主自洛陽來馬三百匹盡奪易之北齊書本紀

北齊

後主武平四年起宮於邯鄲窮極侈麗後宮侍御千餘人皆寶衣玉食隋書五行志

案北齊書本紀作武平七年詔營邯鄲宮與隋書異後主高緯雅好傀儡謂之郭公時人戲為郭公歌曰邯鄲郭公九十九伎倆漸盡入滕口大兒緣高岡雉子東南走不信吾言時當看歲在酉及將敗果營邯鄲按高

郭聲相近九十九末數也大兒謂周帝太祖子也高岡後主姓也雉雞類武成小字也後敗於郭林盡如歌言

樂府廣題

隋

厓狄士文代人高祖時拜貝州刺史至州發摘姦隱長吏尺布升粟之贓無所寬貸得千餘人而表之上悉配防嶺南親戚相送哭泣之聲徧於州境至嶺南遇瘴癘死者十八九於是父母妻子唯哭士文士文聞之令人捕捉搗捶盈前而哭者彌甚有京兆韋焜為貝州司馬河東趙達為清河令二人並苛刻唯長史有惠政時人

為之語曰刺史羅剎政司馬蝮蛇瞋長史含笑判清河生喫人上聞而歎曰士文之暴過於猛獸竟坐免隋書本傳

唐

天寶七載詔令祀趙將趙括母趙卿藺相如文獻通考

香山九老會郡人與者二廣平劉真年八十七清河張

渾年七十七五朝紀事

兗州人郭誼其兄岌事劉悟為牙將常樂滏山秀峻曰我死必葬於此望氣者言其地當三世為都頭異姓河北謂都頭異姓至尊稱也然窆過二丈不利誼以岌假刺史穿三丈得石蛇並三卵工破之皆流血劉稹敗誼

及岌三子同誅

唐書藩鎮傳潞州軍校郭誼先為邯鄲郡牧使因兄亡遂於邯州舉其兄柩葬於磁州滏陽縣之西岡縣界接山土中多石有力葬者率皆鑿為穴誼之所卜亦鑿焉積日倍工忽透一穴穴中有石長可四尺形如守宮支體首尾畢具役者誤斷焉誼惡之將別卜地白於劉從諫從諫不許因葬焉後月餘誼陷於厠體仆幾死骨肉奴婢相繼死者二十餘人自是常恐悸唵嚙不安因哀請罷職從諫以都押衙焦長楚務與誼對換乃賊阻兵誼為其魁軍破梟首其家無少長悉投井中死鹽州從事鄭賓於言石守宮見在磁州庫中西陽雜俎續集案此與唐書異埃考

五代

漢高祖劉智遠起太原所在州鎮多殺契丹守將歸漢遼主德光大懼乃以蕭翰為宣武軍節度使守汴自率其眾北歸至臨洛見井邑荒殘笑謂晉人曰致中國至

此皆燕王爲罪首又顧張礪曰爾亦有力焉

新五代史四夷傳

范魯公質舉進士和凝爲主文愛其文賦凝自以第十三登第謂魯公曰君之文宜冠多士屈居第十三者欲傳老夫衣鉢耳魯公以爲榮至先後爲相有獻詩者曰從此廟堂添勝事登庸衣鉢亦相傳後周祖自鄴舉兵向闕京師亂魯公隱於民間一日坐封邱巷茶肆中有人貌怪陋前揖曰相公無慮時暑中魯公所執扇偶書大暑去酷吏清風來故人詩二句其人曰世之酷吏冤獄何止如大暑也公他日當深究此弊因攜其扇去魯公惘然久之後至佛廟後門見一土偶短鬼其貌肖茶肆中見者扇亦在手中魯公心異焉亂定周祖物色得公遂至大用首建議律條繁廣輕重無據吏得以因緣爲姦周祖特召詳定是爲刑統又嘗作戒子孫詩其略曰戒爾學立身莫若先孝悌怡怡奉親長不敢生驕易戰戰復兢兢造次必於是戒爾學干祿莫若勤道藝嘗聞諸格言學而優則仕不患人不知惟患學不至戒爾遠恥辱恭則近乎禮自卑而尊人先彼而後己相鼠與茅鴟宜鑒詩人刺戒爾勿曠放曠放非端士周孔垂名教齊梁尙清議南朝稱八達千載穢青史戒爾勿嗜酒狂藥非佳味能移謹厚性化爲凶險類古今傾敗者歷

歷皆可記戒爾勿多言多言人所忌苟不慎樞機災厄
 從此始是非毀譽間適足為身累舉世重交遊擬結金
 蘭契忿怨從此生風波當時起所以君子性往往淡如
 水舉世好奉承昂昂增意氣不知奉承者以爾為玩戲
 所以古人疾遽條與戚施舉世重任俠俗呼為義氣為
 人赴急難往往陷刑制所以馬援書勤勤告諸子舉世
 賤清素奉身好華侈肥馬衣輕裘揚揚過閭里雖得市
 童憐還為識者鄙恭惟祖宗所用宰輔皆忠厚篤實之
 士獨魯公為之稱首余讀國史得其詩錄以為子孫之
 戒邵氏聞見前錄

宋

清河茶店在城西十二里相傳宋太祖嘗飲茶於此故

名清河縣志

清河張十五店在城東南十五里相傳其地有張氏子
 年十五無賴為鄉人患宋太祖微時經此張與太祖競
 太祖擊死之境遂安同上

李沆治第封邸門內廳事前僅容旋馬或言其太隘沆
 笑曰居第當傳子孫此為宰相廳事誠隘為太祝奉禮
 廳事已寬矣堂前藥闌壞妻戒守舍者勿葺以試沆沆
 朝夕見之經月終不言妻以語沆沆曰豈可以此動吾

一念哉家人勸治居第未嘗答弟維因語次及之沆曰
身食厚祿時有橫賜計囊裝亦可以治第但念市新宅
須一年繕完人生朝暮不可保又豈能久居巢林一枝
聊自足耳安事豐屋哉

宋史

宋眞宗上元節御樓見人物繁盛因舉酒賜侍臣曰天
下富盛如此嘉與卿等共舉此觴李沆辭避再三終不
受帝爲色變次日王旦謁之逡巡言及辭酒事沆曰天
下庶事尙多未濟者人主豈得言治安遂極論治體以
爲自古人主好尙之弊有三不好色則好兵不好兵則
好神仙以沆觀之聖性如此必無好色好兵之累恐異

日爲方士所惑沆老矣相公適當之耳

通鑑

寇萊公始與丁晉公善以丁之才薦於李文靖公未用
萊公語文靖曰屢言丁謂之才而相公終不用豈其才
不足用耶抑鄙言不足聽耶文靖曰如斯人者才則才
矣顧其爲人可使在人上乎萊公曰如謂者相公終能
抑之使在人下乎文靖笑曰他日後悔當思吾言晚年
與寇相傾軋竟有海康之禍始服文靖遠識

東軒筆錄

文靖秉鈞日有狂生扣馬獻書歷詆其短公遜謝曰俟
歸家當得詳覽狂生遂發訕怒隨公馬後肆言曰居大
位不能康濟天下又不能引退久妨賢路能不愧於心

乎公但於馬上踟躕再三曰屢求退以主上未賜允終

無忤色

傅獻簡公佳話

文靖為相專以方嚴厚重鎮服浮躁尤不樂人論說短
長附已胡祕監且謫商州久未召嘗與文靖同為知制
誥聞其拜參政以啟賀之歷詆前居職罷去者云呂參
政以無功為左丞郭參政以失酒為少監辛參政非材
謝病優拜尚書陳參政新任失旨退歸兩省而譽文靖
甚力意將以附之文靖愀然不樂命小吏封置篋曰吾
豈真優於是者亦適遭遇耳乘人去後而譏其非吾所
不為况欲揚一己而短四人乎終為相且不復用

避暑錄話

夏鄭公竦以父歿王事得三班差使然自少好讀書工
為詩一日攜所業伺文靖退朝拜於馬首而獻之文靖
讀其詩有山勢蜂腰斷溪流燕尾分之句深愛之翊日
袖呈真宗及敘死事之後乞與換文資遂改潤州金壇

主簿

詩林玉屑

文靖布衣時因事涉江俄而風濤暴作幾覆沒有大校
王姓善人倫鑒遽白曰此有真相誰敢為害何懼之有
是日果利涉無虞眾皆神其事及文靖公貴王校猶存

王沂公筆錄

文靖有長者譽一世僕逋宅金數十斤遁去有女將十

歲美姿格自寫一券係於帶願賣於宅以償焉文靖大
惻之祝夫人曰願如己子育於室訓教婦德俟長成求
偶嫁之夫人如所誨及笄擇一聳亦頗良具奩幣歸之
其二親後歸舊京聞之淪感心骨文靖病夫婦割股為

羹饋之至薨衰經三年

湘山野錄

太宗至道三年李維為崑山令獲白龜獻之維好讀書
生平手不釋卷嘗自言人生如駒過隙苟得詩酒自適
足矣他復何求哉其與文靖人品之不同如此

姑蘇志

仁宗天聖時貝州言民析居者例加稅謂之罰稅他州
無此比詔除之

宋史

郝質以大名賈昌朝薦為鈐轄使討貝州文彥博至命
部城西回河上有亭甚壯彥博慮為賊焚遣小校蘭干
守而質使干往他營度戰具干辭質曰亭焚吾任其責
干去而亭焚彥博將斬干質趨至帳下曰干之去質實
使之罪乃在質願代干死彥博壯其義兩釋之

宋史本傳

德州兵馬監押盧政預討貝州率勇敢數百人飛環絙
堞而登守者莫能亢大軍乘之以入

宋史本傳

軍校劉闡從文彥博討貝州次城下攀壘欲登賊以曲
戟鉤其甲間裂之而墜議者欲穿地道入闡曰穴地積
土賊且知之城瀕河若晝囊土而夜投諸河宜無知者

彥博以爲然穴成間持短兵先入衆始從遂登陴引繩而上遲明師畢入貝州平功第一

宋史本傳

貝州既平歐陽文忠公表賀云伏聞閏月一日攻下貝州殺到妖賊王則者盜孽竊興人祇共憤果憑睿算悉殄兇徒臣某伏惟皇帝陛下推仁育物浸澤在人常服儉以躬行惟足兵而在念至於多捐金幣講好戎夷

一作

強務體一作戰爭愛惜士卒德至深而莫報恩既厚則

生驕敢肆妖狂自干斧鉞驅脇士衆閉守城闔既違天而逆人宜不攻而自破而况聖神運略將士協忠不遺一矢咸就大戮悖慢者警而肅恪昏愚者知有誅夷銷

沮姦萌震揚威令臣幸忝郡寄欣聞德音

歐陽文忠公文集

蘇頌字子容南安人神宗初遷度支判官送契丹使宿恩州驛舍火左右請出避頌不動州兵欲入救閉門不納徐使防卒撲滅之初火時郡人洶洶喝使者有變救兵亦欲因而生事賴頌安靜而止

宋史本傳

李邯鄲公作詩格句自三字至九字至十一字有五句成篇者盡古今詩之格律足以資詳博不可不知也伯父娶邯鄲孫女嘗聞邯鄲公與小宋飲酒舉一物隸僻事以多者爲勝飲不勝者他人不敢造席

彥周詩話

邯鄲李氏其家所藏書目足與祕府敵視參政蘇公宣

猷宋公文忠歐陽公丞相蘇公兄弟爲尤盛百川學海
朱子跋李壽翁椿非若水遺墨云韓退之著書立言觝排佛
老不遺餘力然讀其謝潮州表答孟簡書及張籍侑奠
之詞則其所以處於禍福死生之際有愧於異學之流
者多矣其不能有以深服其心也宜哉侍郎李公玩心
於易以沒其身平居未嘗深斥異教而間獨深爲上言
天地變化萬物始終君臣父子夫婦之道性命之理幽
明之故死生之說盡備於易不當求之無父無君之言
以傷俗化其言雖約而功實倍於韓子至其生平大節
則不惟進退險夷一無可憾而超然於生死之際又如

此此足以明吾道之有人而信其言之不妄矣易所謂
默而成之不言而信者其公之謂與熹不及從公遊而
蒙公見與甚厚其子正夫視以絕筆因得捧讀而竊識
其說於後云淳熙丙午九月甲辰朔晦菴題跋
廣平冢革塔在平固店南王封村北有土冢方圓一畝
高丈餘夜益顯巍行人所懼前通七小徑名曰七岔口
至今顯迹尙存又平固店東北三里許有八王店宋時
楊將軍征討焚之今亦遺迹宛然廣平志

金

熙宗皇統元年烏古論三合

欽定國語改作烏庫哩薩哈爲洛州防

禦使上曰卿昔事睿宗積勞苦逮事朕輔佐太子宣力多矣今典名郡所以勞卿也

金史本傳

章宗明昌四年御史中丞董師中奏迺者太白晝見京師地震北方有赤氣遲明始散天之示象冀有以警悟聖主也上問所言天象何從得之師中曰前監察御史陳元升得之於一司天長行上曰司天臺官不奏固有罪其以語人尤非朕欲令自今司天有事而不奏者長行得言之何如師中曰善

金史五行志

靖天民字達卿滄陽人嘗兩魁鄉試自期不凡晚年買田南湖葺亭種竹木以詩酒爲樂號南湖老人

磁州志

元

世祖時內臣進橫幅畫釋迦佛端坐於中老君旁立於側孔子前拜世祖召王磐示以此圖磐默然世祖曰端如此畫否對曰然曰卿旣然之可跋一詩磐就御前書之曰釋迦端坐老君旁侍夫子聞之笑倒在地世祖大笑曰甚矣王磐之慙也

王磐碑

武宗至大元年罷廣平鐵冶提舉司聽民自便有司稅之如舊

元史武宗紀

仁宗至漳河值大風雪田叟有以孟粥進者近侍卻不受帝曰昔漢光武嘗爲寇兵所迫食豆粥大丈夫不備

嘗艱阻往往不知稼穡艱難以致驕惰命取食之賜叟
綾一匹慰遣之行次邯鄲諭縣官曰吾慮衛士不法胥
吏科斂重為民困乃命王傅巡行察之元史仁宗紀

文宗天歷中太尉不花率眾剽掠廣平至是盜至其家
殺之人以為報云康熙志

邯鄲張西巖素以文名嘗咏鏡中燈云一池鉛汞融真
火半夜金星犯太陰膾炙人口人目為張鏡燈同上

明 肥鄉郭晟洪武中仕龍江參軍辭歸鄉里以醫藥活人
甚眾一夕夢朱衣持符授之曰上帝錫二縣於汝以老

驚覺符猶見怪之未幾季子謙以生員倡議擒斬張普

祥等聞於朝授縣主簿巡撫王偉復奏請陞永年縣丞

公兩就祿養年九十七以壽終果與夢符蔣勛家塾事親序

宋某建文時出守東昌與布政使鐵鉉同拒燕軍及成

祖即位飲藥自盡子四人各逃匿長允中四允賢永樂

二年避難曲周大劉莊遂家焉因易姓劉氏允賢早卒

允中改名原生四子長敬次深次剛次海宣德間錄靖

難盡節臣查宋某後裔縣令趙來鳳以深上聞廕校尉

世職凡歷八代採訪冊

錦衣千戶楊忠臨洛人相傳英宗復辟時忠亦與有微

功乃自陳於帝曰臣大漢楊忠也願陛下勿忘然無所
考當時以奪門功受賞者夥矣忠所以得任千戶之故
或卽因此舊志

雞澤劉誠善占驗幼常立於門見兩槐葉墮地急閉戶
入家人曰何遽也曰此地當有人鬪死須臾斃一尸爲
秀藩長史王世子將出獵扣馬諫曰行極不祥請勿往
弗聽退而歎曰天也世子墮馬死一夕夢與夫人共盥
於盆曰應降府倅晨起趨治裝幕屬異之尋降甯國府
同知其驗類如此同上

磁州紀傑成化間路出廣平渡漳水舟子武某與其僕

競渡辱之污其衣詎曰若卽售未必莅茲土也傑笑而
去尋以進士任廣平令武匍匐請死傑曰忘之矣置不

問人服其雅量

畿輔通志
參康熙志

肥鄉張思忠性方嚴而貌殊豐美幼讀書蕭寺鄰有孀
婦見而悅之授以意不應投繡幌以挑之思忠大怒拂
袖去絕迹不過其門後成進士官巡撫又郭忠爲諸生
時旅宿比舍有女夜奔忠拒之不肯去乃出避他所後
成進士官太守人以爲二公陰德之報列人書

武宗晏駕遺詔迎興獻王世子嗣統旣奉詔路經邯鄲

次縣治察院

舊志

嘉靖十八年上幸承天兩次邯鄲復次臨洺止於行宮之蘆殿

同上

西山漆泉寺石碑為順德太守游記鑄也碑側有絕句字畫清勁其題識則肥鄉杜奎可見肥之先未嘗無博雅君子而為子若孫者不能為先代揄揚遂致湮沒即如郭氏燕石藁名重一代而子孫冠裳纍若索之僅得數葉況其他乎識之以發一慨

聞見錄

肥鄉楊宗智孝子楊鳳子年踰八十步履矯健不杖不俯屹然鶴停鵠峙也或問公有道術乎曰吾何術哉夫世人汨沒名利妄肆覬營神竭精殫未老而耄矣吾為

太平散人饑食渴飲一切事來不妄想過不凝滯其真不戕故其數彌長耳

舊志

肥鄉張學顏撫遼大司馬汪道昆來閱師同遊醫巫閭山時一卒執扇以御適風起撼其掌撲學顏冠落遂澗中學顏命取巾幘徐易之曰風如此烈哉復屬主兵者勿咎此與韓魏公然鬚事略同

列人書

曲周艾家臺村在城東南十五里明嘉靖間漳河泛溢村民艾姓築臺障水人免其害遂以名村

曲周志

肥鄉李杜擢江西布政吏胥迎候至里值公布素倚門旁無僕從吏胥遽以客禮呼杜使求介紹杜佯應之入

少選招吏胥拜謁庭下則曩呼介紹者居然方伯公也
吏胥惶懼叩頭伏罪杜待之恬如又里居時偶村外閒
步適有推小車者陷於淖不能行呼杜助力杜笑應之
出淖始知爲杜遽謝罪杜慰勞遣之

肥鄉志

洞兒頭在府西四十里其地徑回五里不生草木相傳
竇王行兵地道嘉靖中胡大司空瓚築室鑿地得巨銅
盆覆一券門可並行數馬列炬而入火輒爲濕氣撲滅
泥淖沒脛懼不敢進泥中拾得銅軍器半枚仍以盆覆
填之天啟中趙監生築舍掘一門與此相同又城中井
近水有鐵窗者凡十餘或云洞中洩氣處

康熙志

肥鄉賀思禮於舍旁掘坎築基得一金磚徑寸瘞之祕
不言臨終乃以語子孫其後族屬蕃衍人稱金磚坑賀

家

畿輔通志
參康熙志

肥鄉歷朝可入世家者三姓魏有宋氏宋有李氏而明
惟有郭氏其堂聯有云十秋闈四春榜父子雲初叨甲
第八勅文五誥命高曾祖考沐恩光

郭氏
家乘

永年白南金初爲諸生落魄遊江湖縱情詩酒直指傅
振商按部至廣郡卒謂邑令曰此間有白南金者其人
安在可速致之令以南金久在外必有不法事或與直
指有隙乃遣役夜至其家械繫之南金恐怖妻子皆走

匿比曉解送振商愕然遙揮之云前見子黃梁祠和先君詩甚嘉有脫藁者可取閱南金詩名因此益大著舊志盧象昇字建斗宜興進士崇禎二年整飭大名廣平順德三府兵備號天雄軍明年舉治行卓異進按察使治兵如故六年山西流賊入畿輔據臨城之西山象昇擊卻之與總兵梁甫參議寇從化連敗賊賊走還山西圍游擊董維坤冷水村象昇設伏大破之斬賊魁十一人殲其黨收還男女二萬三郡之民安堵者數歲十年

大清兵南下象昇督兵禦之俄又以雲晉警趣出關象昇提殘卒次三宮野外畿南三郡父老聞之咸叩軍門請曰

天下洶洶且十年明公出萬死不顧一生之計爲天下先乃奸臣在內孤忠見嫉三軍捧出關之檄將士懷西歸之心棲遲絕野一飽無時脫巾狂噪雲師其見告矣明公誠從愚計移軍廣順召集義師三郡子弟喜公之來皆以昔非公死賊今非公死兵同心戮力一呼而裹糧從者可十萬孰與隻臂無援立而就死哉象昇泣然流涕而謂父老曰感父老義雖然自予與賊角經數千百戰未嘗衄今者分疲卒五千大敵西衝援師東隔事由中制食盡力窮旦夕死矣無徒累爾父老爲也衆號泣雷動各攜斗粟餉軍或貽棗一升曰公煮爲糧十二

我等俱去柩誰與守賊果焚民居及寓徐跪曰吾主以忠死願弗焚賊怒鞭之徐叩請愈哀賊感動卒不焚

野乘 啟禎

崇禎十六年春總兵白廣恩領馬步萬人往劄午橋堡

名曰援師實為寇劫盤踞三月蹂躪一空知府韓埴遣

宋中軍魏驥勸行仍攜宋中軍至蒲州乃令歸

永年志

肥鄉張汝行少無賴嘗為盜被獲推官張鳳翔晝夢有

虎繫府門異而釋之後鳳翔巡撫保定汝行以他案事

發竄名赤籍鳳翔感前夢署為千夫長及鳳翔為兵部

尚書拔自偏裨歷通州總兵官賜蟒玉崇禎十七年闖

賊將渡河時汝行罷歸居郡城乃閉城拒守殲滅土寇

闖境肅然既而陰懷異圖使腹心迎賊帥劉芳亮於磁

州至

殺縣丞王化基典史解達舉人盧贊元生員宋湯齊徐坤王拱宸郭型及李春秦家人劉芳等執春

秦及故鉅鹿縣知縣劉鏡以西去則拷掠士紳備諸楚毒芳亮北去自

稱權將軍即家為帥府大作威福

王師南下命官抵任方束手斂迹順治己亥病死

康熙志 甲申

平鄉土寇劫掠村鎮時總兵張汝行在郡城甚有威望賊畏之令有擅入廣平界斬雞澤去平鄉纔十二里秋毫無犯每見賊持刀逐人至雞澤界輒止高家莊隸兩郡後為順德府南和縣界前為雞澤縣界賊焚掠後莊殆盡前莊帖然無一矢之驚汝行當日雖不能盡如人意然其威名遠播捍衛一方才略必有過人者豈可以其起於亡命而少之

舊志

國朝

順治戊子漳水溢入滏河與隄平隄上加堰幾蕩沒知

府許文秀以金卮及府門扁額沈水禳之狂瀾遽退舊志

參承年志

康熙乙巳肥鄉縣城沒於水邑令寄治於郡城皇華館

一時遂有兩縣之目至丁未始遷去明天啟壬戌年亦

然同上

申鳧盟偕鉅鹿楊猶龍雞澤殷伯巖行叢薄中林葉颯

然疑有虎楊據片石負杖叱咤萬壑雷鳴同行謂之神

王今世說

粵西李公梅賓康熙辛丑進士額正中有肉凸起高寸許腹及兩股皮粗如鱗每遇大雷雨則神致飛揚有凌雲之想雍正中任廣平府時河大決城四面皆水以土掩門樵蘇不得出入危在旦夕李設祭城頭大言曰梅賓奉

命來守是邦城存與存城亡與亡今不浸者三版矣皆太守不職所致願先死巨流中言訖聲與淚俱踊身投下吏民爭持之水驟退城得無恙後調陞去廣平民思之建祠於南郭外龍王側一日邑人夢龍神到任視之李公也後晤粵西人云公果以是日捐館異談可信錄

永年王大參謙號撝齋由丁未進士任城步令城步故連粵西峒苗楊應龍嘯聚千餘人誓以七月七日侵城步先是王陰募鄉勇數百人秘授計屆期率精銳出城乘賊暮氣直搗巢穴有左道演符咒皆不驗乃手戮之餘黨奔潰不二里伏兵四起生擒數百人訊賊曷不奔竄僉云空中赤面長鬚大將乘白馬指揮神兵八面旋繞不得脫旋問我軍所見無異公大驚悚振旅歸亟謁關帝祠仰見帝面汗浹如雨若甫釋甲狀邑人作平妖傳及詩歌傳奇紀事苗患自此遂息每歲七夕必祀帝不忘神助云

曠園雜志

曲周保甯寺在縣治西寺後有藏經閣巍麗冠一邑形家言謂縣龍脈自西北至此一聚爲文風結穴本縣科第之祥毓此康熙初有建議改造者士子羣不便已而鄉試無一人得預隨復舊規後知縣崔湄毀其上層仆諸像投之水邑人屢不第論者頗歸咎焉今廟貌頽然而棟宇猶存佛像宛在春秋科第零星豈青烏言信可驗歟要之人傑地靈相得益彰廢興盛衰亦存乎其時耳

曲周志

陳進才磁州潘汪村人力耕養母性豪宕數與營卒苑某縱飲樗蒲積欠注貲苑每登門責償進才他出苑遇

其母輒佯被酒狂恣挑之進才聞惡狀恨甚腰帶利斧
 一日苑復來捽之仆地立斃斧下鳴於官訊之終不明
 言其故臨刑索酒飲數碗仰天大呼觀者駭歎以為奇
 男子磁州志
 焚將軍者不知其何許人亦不詳其姓名爵里咸豐同
 治之交畿南盜起劉蔭渠制府奉

命剿捕駐軍威縣有戴藍寶石頂者率十餘騎解火藥數車赴

威縣大營至邑北之宏曲村突遇賊數千度不能支又
 恐賊之掠而去也因下馬北向再拜急以火種自然其
 車人馬俱糜無一存者煙燄漲出數里外村人有登屋
 者目覩其狀如此當其時戎馬倥傯又無人走報當事
 者未必遽知即知之而其人又不過偏校亦未必具疏
 上聞是則

卹典所必不及

國史所必不載也夫以編伍小臣慷慨捐軀而又深明大
 體有類於古傳記之所稱述則其人之超越尋常者固
 不僅在志節間也威縣採訪冊

界河店李廣秋同治二年遇亂被賊裹脅隨行見路旁
 井乘間躍入乃枯井也賊去良久李朦朧間見白鬚叟
 相告曰汝前生殺人今為賊名張老大冤冤相報雖入

井無益李驚醒少頃一騎至井邊厲聲叱問李不應將
 投以石李問曰汝為張老大否賊曰然乃攀緣而上賊
 訝何以見識以夢中白鬚叟所言告賊驚歎曰本欲相
 殺今乃知殺人償命雖來生不免吾殺人多矣果皆前
 世之冤孽耶姑釋汝遂上馬振策而去李因得全永年採訪

郡城壕內水舊從東南開子橋開口引入迤邐西北流
 注壕內形家言文明之水最利科名今開廢而溝渠猶
 存同上

重修廣平府志卷六十二

志餘下 怪異 辨證 補遺

怪異

周

主父既胡服夜恆獨觀天象一夕見有神人自天而降
 主父拜之觀其狀貌端莊豔麗面有光輝手指如玉音
 聲清亮授主父以元女隱身之術九鍊變骨之丹忽復
 足下起五色雲從天西北去後主父入秦直至昭王所
 居六英之宮而人不覺夜靜昭王方與儀姬戲帷中主
 父因以匕首刺昭王中之而不傷昭王驚疑有諸侯刺

客遣官追捕主父猶在傍也主父知秦之世數未絕故歸亡何遇李兌之變閉主父於沙邱三月啟視重門鑰鏑封識如故而主父去矣蓋尸解云其後趙勗遇主父於嵩山之下道服閒行勗拜主父答拜勗曰君猶在也忘李兌之仇乎主父笑而不答瑯環記

趙幽繆王遷六年民謠言曰趙為號秦為笑以為不信

視地之生毛史記趙世家

漢

嘯父冀州人在曲周市上補履數十年人不知也後奇其不老好事者造求其術不能得惟梁母得其作火法

臨別列數十火而昇曲邑人多祀之列仙傳

光武建武二年西河鮮于冀為清河太守作公廨未就而亡後守趙高計功用二百萬五官黃秉功曹劉適言四百萬錢於是冀乃鬼見白日道從入府與高及秉等對共計校定為適秉所割匿冀乃書表自理其略言高貴不尚節畝壟之夫而箕踞遺類研密失機婢妾其性媚世求顯偷竊銀艾鄙辱天官易譏負乘誠高之謂臣不勝鬼言謹因千里驛聞待高上之便西北去三十里車馬皆滅不復見秉等皆伏地物故高以狀聞詔下還冀西河田宅妻子焉兼為差代以旌幽中之訟水經注

南陽文穎字叔良建安中為甘陵丞過界止宿夜三鼓時夢一人跪前曰昔我先人葬我於此水來湍墓棺木溺漬水處半然無以自溫聞君在此故來相依欲屈明日暫住須臾幸為相遷高燥處鬼披衣示穎而皆沾溼穎心愴然即寤語左右曰夢有虛耳亦何足怪穎乃還眠向寐復夢見謂穎曰我以窮苦告君奈何不相愍悼乎穎夢中問曰子為誰對曰吾本趙人水經注今屬汪芒氏之神穎曰子棺今何在對曰近在君帳北十數步水側枯楊柳下即是吾也天將明不得復見君必念之穎答曰諾忽然便寤天明率十數人將導順水上果

得一枯楊掘其下未幾果得棺甚朽壞沒半水中穎謂

左右曰向聞於人謂之虛矣世俗所傳不可無驗為移

葬之而去搜神記

三國

魏文帝黃初初清河宋士宗母化為鼈入水晉書五行志清河

宋士宗母夏日浴遣家中大小悉出獨在室中良久家人不解其意於壁穿中窺之不見人體見盆水中有一大鼈遂開戶大小悉入不與人相承嘗先著銀釵猶在頭上相與守之啼泣無可奈何意欲求去宋不可留視之積日轉懈自提出戶外其去甚駛逐之不及遂便入水後數日忽還巡行宅舍如平生了無所言而去時人謂士宗應行喪治服士宗以母形雖變而生理尚存竟不治喪搜神記

晉

清河王暉為世子時所佩金鈴忽生起如粟者康王母
疑不祥毀棄之及後為惠帝太子不終於位卒為司馬

越所殺晉書五行志

東魏

孝靜帝武定五年八月廣宗郡火燒數千家隋書五行志

北齊

文宣帝天保中廣宗有馬兩耳間生角如羊尾京房易

傳曰天子親伐則馬生角四年契丹犯塞文宣帝親御

六軍以擊之隋書五行志

後主武平三年龍見邯鄲井中其氣五色屬天後降周

被誅同上

李庶妻元羅女庶亡後更適廣平趙起嘗夢庶謂己曰

我薄福託劉氏為女明日當出彼家甚貧恐不能見養

夫妻舊恩故來相見告君宜乞取我劉家在七帝坊十

字街東南入窮巷是也元氏不應庶曰君似懼趙公意

我自說之於是起亦夢焉起寤問妻妻言之符合遂持

錢幣躬往求劉氏如所夢得之養之長而嫁焉北史

唐

程咬金俗傳為唐太宗征東將肥鄉城東三十里陳固

村有廟泥馬夜出食人田苗土人以斧砍之馬帶斧奔

逸遲明入廟斧在馬尾羣異而祀之甚謹今遺址尚存

畿輔通志

劉稹阻命之時臨洛市中百姓有推磨盲驢無故死因賣之屠者剖腹中得二石大如合拳紫色赤斑瑩潤可

愛屠者遂送稹乃留之

西陽雜俎續集

昭宗光化二年劉仁恭屠貝州去夜有鵲千數飛入

帳中逐去復來

唐書五行志

宋

李忠愍公若水為元城尉日有村民持書一封公得書讀竟即火之詰其人何所從來對曰夜夢金甲將軍告

某曰汝來日往縣西逢著鐵冠道士索取關大王書下與李縣尉既而如夢中所見故不敢隱公以其事涉詭怪遂縱其人弗治因作絕句記之曰金甲將軍傳好夢鐵冠道士寄新書我與雲長隔異代翻疑此事太空虛公初以書付火之時母妻子弟驚訝求觀弗獲獨見其末曰靖康禍有端公卒踐之之語其後二聖北狩公抗節金營將死而口不絕罵則知天生忠義神已預知其

先矣

獨醒雜志

金

章宗時廣宗萬安禪師建圖

一作圓

照塔近旁無水有睂

井令汲之得泉工作百人持斗米炊飯皆飽食猶有餘
飯人皆神之遠近來助旬日成塔

燕山
叢錄

元

邯鄲縣龍王廟有井曰聖井水常上溢遇旱則迎城隍
像如井擇女子端麗者七人各持箕汲井水滌之乃以
箕揚水如飛雨之狀眾伏地呼曰東海老龍生七女刷
了簸箕卽下雨如是數日俟新泉涌溢挹注瓶內朝夕
供奉得雨則送水還井

燕山
叢錄

明

清河任芳之清平任縣人鳴鐘鼓迎之鐘忽破破處有

赤字云若是此鐘破須待任芳坐後果有政教

康熙
志

威令高自卑丁祭前宿廟夢仲夫子持戟入至祭日忽
聞一主覆於龕高曰此必仲夫子主也視之果然一時

咸驚異之

同上

嘉靖元年清河城西有男子陳文與數人耘田猛風旋
起因失文所在俄而雨雹文至邑南二百餘里始墜於
地人問之曰吾業於田被巨人提起至空授一器盛雹
命布之逡巡推轉而下故不覺至此因詢歸途數日始
還又城東北傭田者亦於是日提至蒼冥其景如夜目
無所見耳中轟轟如搗鼓聲忽聞曰拔樹拔樹命傭以

手布冰已乃還之故處曰還爾履履盡泥塗清河志

嘉靖二十五年邯鄲鄉民温廷華乘驢過滏陽值雨有

龍自空中擄殺之投於河舊志

肥鄉倉堡營東嶽廟殿宇肅穆為一邑巨觀唐太宗時

命尉遲敬德監造有碑文可考嘉靖間村民陳李二姓

因奪田小嫌託本村景司務言於郡守陳公毀拆移建

府館工未抵半沿街塞路轉運維艱陳頗悔之命如式

再造然已狼狽不及前十之二三傳景沒京邸陳旋里

亦遭風濤之厄而陳李以鬼擊同日死皆親見東嶽顯

靈云肥鄉志

賈太保待問五歲時病痢水漿不入者旬餘其父民禱

於北極廟曰帝有牛犬誠兒若存當終身不食以報及

歸有老嫗丐食於門謂能以仙方祛痢疾令索遠年鬻

饅火炙乾研末為餅時已不能咽其父嚼而飼之遂愈

出尋老嫗不知所往威縣志

雞澤趙永安未仕時讀書郭公廟倦而假寐忽夢一人

披髮徒跣血流被面長跪而白曰身為鄭四害須公雪

此冤如是者再已涕泣去既覺以為異筆之後令博興

覆詰命案見一作證者屢竊目屬趙神色銷沮按其名

即鄭四也因憶前夢鞠之允服遂坐抵舊志

永年姚御史三讓按陝西時值歲荒涪化山有老翁取石授采蔬婦曰是可煮食忽不見婦從之傳者四訖人競投山取石以療饑三讓乃獻石於朝以為神異同上萬曆三十年七月晝晴忽迅雷震擊威邑城東十里時家莊趙某妻閻氏死須臾復晴朗如故威縣志

平原君廟在肥鄉縣西屯莊舊塑泥龍二條蟠繞梁間頗具神異萬曆年村民某夫婦皆不孝日撻其母母旦夕號泣鄰里督勸終弗悛一日夫婦偕耕隴畝雷電大作兩龍乘雲霧將夫婦各攫其一入廟摔死土人羣往觀之龍爪猶帶血痕後人因並塑其攫取之形刺名以

示戒野聞

御史馬兆燧幼在講武村讀書踢一磚毬令土地看守毬失即戲以草柳枷土地土地託夢於師令釋之遂云土地土地貶在湖南掃地要得你來還得我去後兆燧官湖南道至果見掃地者貌似講武土地掃畢不見採訪

陳甫村人余秉問素不孝嘗撻其母且饑寒之母訴諸龍神一日雷震其家適秉問赴胡賈村母曰不孝子已他去雷聲遂息已而道傳胡賈龍抓一人羣往視之則秉問也邑人杜汝慤傳之以示儆舊志參永年志

天啟二年六月霖雨浹漳滏上流濫漫為一由磁相
邯鄲直抵肥鄉官廨民廬概為漂沒當水勢盛漲時城
南樓閣帝忽現像若指顧者士民共見號呼拜泥淖中
及水退城垣盡圯其廟巋然獨存舊志

天啟中有一道士常往來洺磁間垢衣蓬首嗜狗肉白
酒引兩徒曰清風明月貌皆獮怪時永年旱祈雨道士
築臺揚旗擊鼓於上以桃木為椿植而捶之輒聲應致
雷已而赤雲自西來曰是非善雨以旗揮之旋濃雲漫

野向夕轉沈大雨如注

舊志參
永年志

崇禎初年邑民訛言有宵夜呼人應者立死未幾獲偷

兒怪遂絕偷兒欲駭人故造為此言

永年志

三年庚午成安緝妖人溫神仙死於境南

成安志

五年寇暴牛叫等村殺童男以祠神賊去鬼夜啼道路
為之不通或曰生畏賊死亦然耳以賊說之可立止向

夜復啼眾呼曰賊至矣遂寂

舊志參
邯鄲志

七年甲戌秋成安烈風大雷雨有童子數歲風捲四五
里見龍神乘騎蜿蜒之異

成安志

廣平縣府館在縣東萬曆十七年知縣陳鑿重修二十
三年奉文拆去變賣民不敢買崇禎九年知縣李固本
又奉旨變賣充餉四鄰俱屬鄉宦王俞讜因議納穀價

三十石買去自此郡守行部無駐宿之地亦有傷政體

矣籌餉及此國事可知

舊志參廣平志

十三年虎突入臨洛鎮適正定勦賊兵至共射殺之

康熙

志

國朝

順治五年六月府城隍廟後路寡婦家稱有鬼物自呼老衛不見其形好學市人賣物聲問亦言人禍福來問者不絕有司疑有冤抑掘地視之無所見郡守許文秀執來問者扑之逐寡婦出鎖其門怪遂絕是年山西亂或夜擲偽牌於西郭眾情惶惶不知所出郡守許文秀

命碎之索其人不得

永年志

曲周貢生王特任生有異徵丰采秀出弱冠負文名順

治七年三月忽告父曰上帝有冥旨命兒撰文與蘇州

進士李登華登州孝廉王之佐福建孝廉王大任共事

俱將至與兒偕行期在某日矣父以為誕也置之至期

獨處一室多作問答語謂與三人者談也慰父曰大人

勿慟兒受任無久稽理宿緣未盡或可結未了因言已

遂卒時年二十五此與李賀事頗相類

曲周志

順治九年漳河徙成安城下有烏龍伏東關橋不見首

尾東西水高三尺縣令祭禱許建祠乃沒

成安志

十一年肥鄉大水舟子於溯流中得一木二尺許入夜則有光如晝至雞鳴時光乃斂後鄉人得此類者頗多

康熙志

盜發永年杜太守秉彝豕肌膚如生蒼髯變黑距歿時

已七十九年矣同上

永年李司鑑順治辛卯舉人無故忽殺其妻後持屠刀

登府城隍廟戲樓言神怒責用以警眾遂自殘肢體月

餘死舊志參
永年志

郡人張某素業屠歷三世一日市一豬歸經郡學東豬行不前張連策之豬忽奮躍嚙其股久之不舍張流血

被地死其兄往迎見之引刀殺豬斷其首而口不開嚙

股肉如故舊志參
永年志

狗仙者曲周西鄉張氏子父母亡棄家遊於四方久之而返言語故為狂謬晝行乞夜則棲息荒寺中與人論禍福多奇中或偶發元妙之議及人促問之則又惟示以癲得二犬獨僻愛與同卧寢知醫頗有驗人爭迎之至病者家不為賓客禮據上坐轟飲大嚼餘肉即以飼犬醫不用符咒方藥以手撫病者腹運之以氣作雷鳴狀旋獲痊否則強之以食病者即能食其所獲金錢輒隨手散去或久遇風雨無從覓食則不食性惡僧每遇

重刊鳳翔府志卷之三十一
僧則伏地掩面不欲視後不知所終舊志參曲周志

曲周諸生宋文翰疫病後苦腰痛如刺號呼不可聞醫藥罔效二子歐蘇各祝天願代廢寢食者久之一夕歐少憇夢至一處蘆荻蒼然茅屋數椽中有一道士歐以父病求醫道士詢以父所在須臾其父亦至道士飲以藥出其肺肝驗治之歐驚寤起視父已痊矣此亦異感

也同上

曲周五間房西北有龍母三娘廟始建於唐相傳有黑龍潭泉眼可達海歲虔祀乃安瀾郡守某偶缺於供水騰湧四溢渰沒數百里守以是奪俸待罪其三夫人憂

之請代禱遂投於水而泉乃塞因建廟祀焉其地視漳

水隄低二三尺漳水泛漲每漫隄而廟中無水同上

雞澤北街關帝廟有棘一株高二丈圍八尺不知培自

何時半枯半生人呼爲靈棘云康熙志

進士和氏璽初名某年三十尙應童子試夢人語之曰改名永昌當售其父爲更氏璽是歲入泮遂聯捷官同安縣知縣偶讀史至傳國璽文爲受命於天旣壽永昌乃悟其夢永年志

威縣城南蓋村戚姓者於康熙十年七月同數人避雨廟內恐廟傾迴出數步被雷擊死於白楊樹下戚素無

大過蓋適遭其際焉威縣志

威縣戚文興家有叫驢一頭產一卵堅如石剖之其氣

腥臭踰月又產一卵如前同上

邯鄲侯二素不孝其母以米施丐者二見而怒痛捶以

逐之妻子泣諫不聽未幾二遍體生瘡潰爛而死夢告

其子曰我以忤逆罰往京師宣武門西車子營張二家

作豬汝可速往贖歸遲無及矣子如其言至京師宣武

門訪張氏果有牝豕適生數子其一豕身人面有髭貌

如其父子痛哭述其故願以十金贖歸張不聽而殺之

此康熙二十九年事香祖筆記

邯鄲黃梁夢社會有道人疥癩遍體衣履垢敝見市中

鬻竹簾者輒卧其上惡而逐之每一簾輒有一韓湘子

像鬚眉宛然人競市之得利無算池北偶談

康熙五十二年有虎自東北來經曲周界西入永年衆

持兵驅殺之舊志參永年志

河西堡馬夫王大任暑夜赤身卧關帝廟供臺夢神怒

以刀刎其足未幾自翦足十指自是創潰遂落兩足同上

雍正二年孫元寨清涼菴僧照璞刈槐一株置廡上自

十月至明年三月廡圯槐落地斜倚壁間忽發榮暢茂

漸起立不復著牆今已成大樹幹圍尺許矣人稱無根

槐同上

劉固東二里許有潭深不可測魚大蕃息鄉人毒其水欲盡取之乘天未曉往者以百數見池中火柱衝天猛烈難近遂驚同比及天曉日出醉者皆蘇竟無所得永年志

眯暉陣在廣平城南下河堡世傳唐徐勣征高麗駐軍於此迄今每遇風沙起行人輒迷不辨東西南北廣平志聖水樹在廣平韓固店元君廟前有太白楊樹一株高出二丈枝葉殘枯明嘉靖間適有無目人歇涼樹下滴水入目漸覺微明四方號曰聖水屢取有驗至今其樹

尚存同上

嘉慶年間永年城內演戲有一粧金錢豹者以雜色塗面手執兵器當場作戲時忽下臺奔馳直入城隍廟追視者欲入有物向外亂擲人不敢進從門外聽之有拷掠聲移時始出羣問則曰母死已久停柩未葬以狀投此故令鬼卒拘至重笞驗之果有板瘡邑宰聞其事給與路費令速歸葬母採訪冊

王步雲清河廩生卒時子懋德慟甚忽見步雲風帽鮮衣旁一侍者如武士狀指呼曰兒不必過慟吾今為龍門山河神矣子疑為哀想所致忽有步雲友劉耀先叩

門曰適吾假寐見爾父風帽鮮衣旁一侍者大聲呼曰
吾現爲龍門山河神特來相別且託汝屬吾兒不必過
哀也卒年六十四

清河志

曲周張永鑑幼與田道爲徒隨師至綿山修煉歸時求
法賜錢袋符匣各一錢止六文一路用之不竭無論何
病向匣一拜取一符化灰吞之卽愈一日謂家人曰某
日某時師來度我可速備喪具家疑爲妄至日自入棺
申屆時而逝村人見永鑑乘車去亡後符匣猶在如法
求之病無不愈家人以爲煩瑣焚之

採訪冊

成安拔貢遂某幼從塾師讀書城隍廟性誠篤似癡同

學多輕之一日卧簷下假寐忽覺正殿兩廊燈燭輝煌
役從往來如官升堂狀俄見城隍神自內出覩生問何
人一吏至前詳視回稟曰遂拔貢曰勿相驚輿馬紛紛
出廟去及醒月明如晝諸同人皆已散盡心頗駭異次
日舉夢告咸笑其妄有東關某素以才自負聞而異之
亦思以夢驗遲月餘偶卧簷下所見亦如遂吏視而怒
曰吾以爲遂拔貢乃東關賣豆腐人耶速去駭然寤而
大懼旋怒曰貧至死誓不賣豆腐後廢學家貧甚諸業
不利歎曰命定於天人何能爲遂賣豆腐家由是小康
而遂己入庠食餼矣嘉慶癸酉果選拔

課餘瑣記

道光六年夏有獸似狼而大自西漸至附城人多被噬

邯鄲志稿

曲周河南曠土地廟不知創自何時漸傾圮矣諸生麻天祥者素無疾忽大笑扑地移時甦語人云初見美丈夫延之廟中樂樓上命酌酒色縹綠同飲次見婦人二豔麗殊俗丈夫曰妻孥無藏身地幸建寢室生唯唯已而覩庭柏下繫一人則鄰叔也繩結於項呼生祈救生爲求緩得逸去乃請歸云無明命恐驚家人丈夫曰有刺果得之案上曰崔某拜字頗遒勁先是鄰叔病噎苦不食至是忽愈且述夢中見救事如生言初酌生時

鄉人蔡天保過樓下見賓主儼然失聲驚走再視寂無

所覩生遂募所親建寢宮三楹安焉

曲周志

趙氏曲邑貧家女妍麗若仙年十七歸蔡氏每拜斗或謁寺禮佛姑惡之曰美而郊遊必辱門不如死也氏卽冥逝姑哭之慟徐開目曰姑不欲我死乎今活矣自是不出里閭旦夕親紉組無他異也至九十兒孫慶元日氏曰今年拜吾牀明年拜吾墓問其期曰吾以六月十三來仍以是日去及期飲食自若女孫謂其爽信氏曰午刻耳盥櫛更衣至午刻遂坐而瞑

曲周高兒莊男子赴平鄉集過第二曠避雨程姓車屋

重修廣平府志 卷之三
俄火光撲面霹靂大震同避八九人皆無恙而男子委
屍雨中筋骨如蛻去

曲周城北隅相傳舊有水怪嘗夜出擾民家居人苦之
構宇城顛祀真武怪遂息今祠圯而居者亦無恙

曲周城東史兒寨前黎明時常有城郭高丈許雉堞悉
具遠望儼然居民多見之

曲周東北鄉曰辛莊有白果樹一株不知始何時大幾
百圍蟠根聳幹勢若虬龍蒼翠陰森垂蔭數畝居人遂
以名村

曲周馬羅堡有酸棗樹枝幹盤鬱近數百年物相傳爲

神鄉人誤斫之血隨刃出遂不敢伐

曲周呂洞固村有琉璃井傳係仙人所造出水四五尺
光彩四映非磚非石閃爍動人洵不可解

曲周何家莊屢有怪擾道士吳青海素痴狂行乞至此
忽書木牌云三教鎮路口邪魔無處走村人異之如言

建廟而怪息

俱同上

肥鄉貢生王福元任邢臺訓導忽一日有役報某日升
唐山知縣經宿而去其子璵往視其父則已病終矣所
陞之日卽唐山縣城隍獻戲開光之日也

肥鄉志

咸豐五年五月大風色赤自紫山起至巖崙村捲居民

屋十數椽去院置盆水移上屋頂而水不溢案列釜孟諸器旋轉空中移時仍返故處一牧童被捲至蕭家河詢之言恍若有赤衣人攜之者嗅之味惡邯鄲志稿

張調甫之亂嘗以數百人劫曲周河南疇村中男婦多避於諸生趙書樓上賊火其樓死者甚眾有趙元年七十餘火逼屋崩直下數丈如有把持然墮地竟無恙又同時馬從相妻李氏負未週歲男自樓上擲兒下地匍匐自若氏亦隨墮抱兒疾走如平時曲周志

曲周喬家堡西諸葛廟相傳張調甫叛此處殺賊最多因聚而瘞之日落即聞鬼號達旦不息鄉人震怖百方

除禳不效適有術士言可修諸葛廟以鎮之村人即營廟於瘞處復位以三義自是夜遂寂同上

肥鄉西落堡村民張日新張維新兄弟也咸豐十一年

十一月賊入村維新遇害鄉民誤報日新已題准賜卹

入祀昭忠祠矣然每至春秋致祭時日新輒大病後訪

知其故懇求改正允其請而令伊更名亦異事也肥鄉志

同治元年十一月二十八日官隊與賊戰於程兒寨重

圍四合士卒饑疲忽有一老翁攜一籃饅首至遍給練

勇不記其數亦未討值且在隊中幫散官藥鉛丸謂李

占元曰何不開烏機炮占元曰止有二子可奈何翁以

五子與之曰鉛丸尚多無慮也占元連開兩炮打斃賊目陣遂迸散大敗而走收隊時翁忽不見咸驚以為神

同上

曲周傅家辛莊張氏婦寡而無子燒香醫人疾病眾惑之喧為張善人倡言修金頂寺釀鄉愚銀錢材木無數知府余承恩剿拿正法盡以大木助修曲城廟堂書院

曲周志

曲周毓英書院講堂在文昌閣後舊名藏書樓辛酉災於火四壁峭然者久之甲子春重修出東壁間土柱如焦尾桐匠挾置庭中甫脫手疑微熱俄爾風生煙篆火

灼灼如然藜羣以為文明之兆同上

李學會永年朱家莊人素癖神仙術同治九年六月夜乩畢出門漸次行空中亦不自知其何之及曉為行道者驚落至地問此何所行者答曰此長安縣也後乞食而歸探訪冊

永年武生謝鴻恩應試馬步箭未能命中技勇場忽聞有人連聲曰喫緊挽弓遂以弓獲售當時以為廩保言也榜後問之不知

曲周司寨西北五里許有土冢方圓一畝餘高數尺或云霸王墓或云巴甲墓為野仙所居鄰村人有事焚紙

鋸一塊乞用桌椅等物如數相與至道光間人多假而不歸靈異遂絕光緒初閩寨柴某掘其冢露一穴方圓如確好事者以繩繫石下探繩用十餘丈尙未至底咸驚恐爲掩覆之

光緒五年十月十九日有某委員押運火藥數車宿臨洛關南街旅店夜半炸裂聲如雷震同寓諸人有肢體分裂擲至城外者有睡卧攫至空中墜於店內身竟無恙者而某委員亦付諸一燼焉

永年辛寨村王姓子於光緒六年六月被雷擊死鹽商彭豁然字貫通蠡縣人寓於郡城翟茂才家聘本

城申氏女迎婚前夕三更時已就寢矣忽自被中赤身突出於煤爐上燒胸背手足幾遍復坐於鑪口挺然不動直至傍曉時茂才始覺破扉入視豁然已不似人形自言曾將前妻害死今來報仇言訖遂卒時光緒九年十一月二十五日也

永年夏堡店韓更辰宅有棗樹一株一幹忽生柏枝經冬不凋人咸異之

永年正西村光緒十五年重修北閣功及半石灰已盡將中輟忽臨近地界現有灰痕掘之果藏灰功遂成而灰亦盡

俱同上

光緒十七年十一月雞澤舊城營葉生遣弟子邀友人
夜飲秉燭偕來回首失所在次日訪之邑北有人迹北
去不知所往雞澤志稿

永年河莊某姓子與繼母私通光緒十九年夏被雷擊
死繼母亦被雷火灼體月餘潰爛卒採訪冊

辨證

七國時趙敬侯自晉陽都邯鄲余案史記六國年表周
安王之十六年趙敬侯之元年烈王之二年趙成侯之
元年成侯二十二年魏克邯鄲是年顯王之十六年也
二十四年魏歸邯鄲若敬侯已都邯鄲魏克其國而趙

不亡何也至顯王二十二年公子范襲邯鄲不克而死
是年肅侯之三年也意此時方都邯鄲蓋肅侯徙都非

敬侯也資治通鑑胡注

古詞日出東南隅照我秦氏樓舊說邯鄲女子秦姓名
羅敷為邑干乘王仁妻仁後為趙王家令羅敷出採桑
陌上趙王登臺見而悅之置酒欲奪焉羅敷善彈箏作
陌上桑以自明不從案其歌詞稱羅敷採桑陌上為使
君所邀羅敷盛誇其夫為侍中郎以拒之與舊說不同
若晉陸士衡扶桑升朝暉等但歌佳人好會與古調始

同而未異樂府古題

鄭樵通志略云古以鄉為氏肥氏其先有封於肥鄉者
戰國策趙賢人肥義之後風俗通漢有肥韶英布將肥
赫又仁恕錄肥親皆肥義後也又韻書肥赫即賁赫賁
亦音肥故也

濯水窗
隨筆

成安為春秋乾侯地乾音干見顏師古漢書注許氏說
文別立鞞字亦猶釜口之加水為溢斥章之加水為漳
耳至如陳餘稱成安君見史記項羽本紀正義引地理
志云成安縣在潁川郡屬豫州漢書項羽傳內於陳餘
刪去成安君三字今之成安蓋自北齊始置乃縣有陳
餘祠廟而明嘉靖間給事中鄆陵陳棊因謫丞長垣檄

修郡志於每縣各作原縣一篇謂六國趙時縣有成安
名趙王歇因以封陳餘為成安君非先封而邑後名也
不知何所據而云然

汪師韓韓
門綴學

漢書地理志廣平國注云武帝時嘗為平于國又景十
三王傳曰初武帝復以親親故立趙敬肅王小子偃為
平于王

孟康曰
今廣平

本是于字自魏書地形志注訛作干字

而後來輯地志者皆稱平干非也左太冲魏都賦曰常
山平于張孟陽注云廣平郡漢武帝征和二年嘗為平
于國文獻通考引漢書亦作平于近人不知或有反改
漢書者夫干寶之姓或訛為于餘于之縣且竟為干此

二字之互易殆不少耶同上

永年有幹子城朱世緯舊縣志所不載府志及新縣志云在縣南三里引北齊書及寰宇記為據夫干將吳人事見吳越春秋闔閩內傳干將與越人歐冶子同師莫邪干將之妻也干將作劍采五山之鐵精六合之金英侯天伺地陰陽同光百神臨觀天氣下降而金鐵之精不銷淪流於是干將妻乃斷髮剪爪投於爐中使童女童男三百人鼓橐裝炭金鐵交濡遂以成劍陽曰干將陰曰莫邪陽作龜文陰作漫理吳地記曰干將龜文莫邪鰓文干將匿其陰而獻之吳地記曰干將進雄劍於吳王而藏雌劍時時悲鳴憶其雄也其為劍匠

自在吳地唐陸廣微吳地記云匠門又名干將門又有鄉名干將鄉可證王子年拾遺記又云昔吳國武庫之中兵刃鐵器俱盡而封署依然王令檢其庫穴獵得雙兔一白一黃殺之開其腹而有鐵膽腎乃知兵刃之鐵為兔所食王乃召劍工令鑄膽腎以為劍一雌一雄號干將者雄號莫邪者雌是又但為劍名不必為人名又漢書賈誼傳莫邪為鈍應劭曰莫邪吳大夫也作寶劍因以冠名則莫邪又為大夫之名山海經第五卷中山經曰昆吾之山其上多赤銅郭璞傳引越絕書曰赤堇之山破而出錫若邪之谷涸而出銅歐冶子因以為純鉤之劍汲郡冢中得銅劍一枚長三尺五寸及今所名為干將劍汲然皆吳郡亦皆非鐵也明古者通以錫雜銅為兵器也

地事也戰國策趙惠文王三十年趙奢告田單兩稱吳干之劍所謂吳干應卽指吳之干將呂氏春秋云荆有伏飛得寶劍於干邑高誘注曰干吳邑也若干將會鑄劍於趙何云吳干乎直至晉時掘之豐城獄拭以華陰土躍於延平津俱不離吳楚之地考工記稱吳粵之劍遷乎其地而弗能爲良地氣然也司馬相如子虛賦云健干將之雄戟張揖注云干將韓王劍師也韓趙地近或別有所據然韓乃今山西平陽潞安遼沁澤等州之地奈何爲師於韓而鑄劍於趙乎漢書敘例注云揖清河人一云河間人若廣平有遺迹揖居處密邇豈不知

之何以有韓王之誤然幹子之名要必有故竊考史記貨殖傳言邯鄲郭縱以鐵冶成業與王者埒富其作冶定非一處幹子或其徒侶也是乃以幹子而訛爲干將而後人顧謂干將訛幹子哉唐廬潘作廬江四辨以冶父山有鐵冶乃作教告縣更名曰冶山而不以圖記所引左傳莫教縊於荒谷羣帥囚於冶父者妄加之與此正同

同上

宋敷文閣直學士李椿墓永年縣志云在城西畿輔通志廣平府志並同以余考之此墓非也李公墓誌乃朱文公所撰李公以孝宗淳熙十年薨年七十三當生於

徽宗政和元年至欽宗靖康元年年十六金人陷京師
其祖泰父升同時遇難於是奉母南走湖嶺間次年高
宗卽位於應天府洺州地已屬金矣公仕南宋五十年
初仕潭州衡山尉蓋年二十二其後爲桂陽監司理參
軍爲衡州軍事判官爲荆湖南路轉運副使於湖南地
獨多是以有故居在衡陽野塘之上後以敷文閣直學
士致仕仍歸野塘年已過七十矣其薨於十一月卽於
閏十一月葬衡山花光寺之山後二里葬後十年而朱
子始爲之銘是爲光宗紹熙四年卽金章宗明昌四年
也又後四十一年而金亡洺州屬於元之邢洺路又四

十五年而宋亡於元天下一統距公之葬九十六年矣
或者公家永年此乃公之先塋若二程夫子十五世以
上祖墓在博野程委村韓魏公五世祖韓義賓墓在博
野彝吾鄉其高祖鼓城府君於晉天福中葬於趙州贊
皇縣太平鄉之北馬村越百餘年子孫已忘所在而土
人猶稱韓評事墓也不然爲其雲初者亦何忍開百年
之墓跋涉三四千里之程而遷葬永年哉又宋史忠義
李芾傳云其先廣平人中徙汴高祖升起進士爲吏靖
康中金人破汴以刃迫其父升前捍之與父俱死曾祖
椿徙家衡州遂爲衡人直至宋末曾孫芾爲湖南安撫

使猶居衡州帝熈德祐元年正月四日潭州城破積薪

州治熊湘閣妻孥十九人及帳下沈忠並死獨其子裕

孫輔叔在外得不死元文宗天歷二年校官劉似請立

祠於衡州府城城隍廟左衡州志云卽忠節舊宅元文類有

宋人所撰湖南安撫使李公祠堂記云公字叔章號肯齋先生其先沼之永年縣萬頃鄉招農里人萬頃招農地名與忠節肯齋之

號皆爲史所未及據此公之宅至曾孫猶在於衡則

公墓之不遷於永年可知也諸志乃以訛傳訛也同上

李青蓮自廣平走馬六十里至邯鄲覽古詩云相如章

華巔猛氣折秦嬴兩虎不可鬪廉頗終負荆提攜袴中

兒杵臼及程嬰立孤就白刃必死耀丹誠平原三千客

談笑盡豪英毛君能脫穎二國且同盟皆爲黃泉土使

我涕縱橫磊磊石子岡蕭蕭白楊聲諸賢歿此地牌版

有殘銘此詩或是過諸公墓而有感按史記正義藺相

如墓在邯鄲西南六里今已入磁州境內廉頗墓則邯

鄲磁州清河趙州靈壽壽春傳非一處史記趙世家程

嬰自殺趙武服齊衰三年爲之祭邑春秋祀之世世勿

絕正義云今河東趙氏祀先人猶別設一座祭二士矣

文獻通考錄此語於廣平郡防禦之下俱不云墓在何

處惟元和郡縣志謂公孫杵臼程嬰墓在邯鄲縣西十

五里宋周燁於淳熙丁酉使金作北轅錄云邯鄲簡子

冢冢形如硯世謂硯子冢程嬰公孫杵臼墓亦在焉然
考宋仁宗屢喪皇嗣元豐四年吳處直言程嬰公孫杵
臼保全趙孤乞加封爵帝卽以處直爲將作丞訪得兩
墓於絳見蔡確傳嬰封成信侯杵臼封忠智侯立祠墓側祠
在絳州太平縣名祚德廟紹興二十二年又加封嬰疆濟公杵臼英畧公是墓
固在絳州豈在邯鄲耶凡此遺迹今皆淹沒而毛墓獨
存於廣郡城外青蓮謂石岡磊磊者但觸於趙事豈皆
身經其墓耶而申重熙又有過毛遂故里詩故里更不
知其何所指按趙有兩毛遂西京雜記云野人毛遂墜
井而死又信陵君傳云趙有處士毛公藏於博徒然則

所謂毛里毛墓者安知其非處士與野人也同上

宋史稱周顯德中洺州團練使郭進嘗於城四圍植柳
壕中種荷芰蒲葭後益繁茂郡民見之有垂泣者曰此
郭公所植也按洺州置自後周隋廢而唐復唐宋之洺
州皆治永年史所指州城卽今郡城距顯德時已八百
餘年矣舊縣志稱成化間郡守李進種蓮未嘗考及宋

史耳同上

白馬將軍廟俗呼小將羅成死於此唐太宗時爲建廟
祀之有碑志遍查唐史無羅成名而碑文與羅士信傳
頗合蓋羅成卽羅士信其曰小將者或以十四卽從張

志餘下 辨證

須陀擊賊故云

函樓別記

李鄴侯枕中記舊志以爲唐沈旣濟作沈亦代宗時人與李泌同時者也按稗史載純陽文集呂岳字洞賓貞元十四年生文宗開成二年舉進士第於長安道中酒肆憇息俄有一人長髯碧眼自西而來亦憇此肆遂與共炊髯者親爨洞賓因就日負暄不覺昏睡夢以舉子赴京狀元及第始自州縣小官擢朝署由是臺諫給舍翰苑秘閣諸清要無不備歷前後兩娶富貴家女婚嫁早畢孫甥振振簪笏滿門如此幾四十年最後擢侍從俄拜執政獨相十年權勢熏炙忽被重罪籍沒家貲分

發妻孥流於嶺表路值風雪僕馬俱瘁一身無聊方切浩歎忽然夢覺髯者在旁炊尙未熟笑謂洞賓曰黃梁猶未熟一夢到華胥洞賓驚曰公知我有夢耶拜問姓氏髯者曰吾乃漢鍾離權字雲房子若醒悟可從吾去洞賓於是棄儒業而從遊因以得道此與枕中記何相仿也其相爲傅會明矣又舊志於古蹟稱呂翁會昌間舉進士不第於列仙稱呂岳咸通中舉進士不第而稗史稱其開成二年進士夫開成會昌距開元百年有奇咸通又後三十餘年雖皆不足考據然開元七年之於洞賓則時不相及矣且記內盧生無名而舊志古蹟有

盧英宅尤誣又相傳城東北呂固村有洞賓墓李昌谷

詩云幾回天上葬神仙可為一噓裴大鵬辨

真君崔姓廟在磁州河朔人奉之五百餘年矣靖康中

高宗由康邸再使金磁去金營不百里既去謁祠下神

馬擁輿舂蠶炳然州人知神之意勸帝還轅孝宗誕育

於嘉興先形絳服擁羊之夢生有神光燭天之祥此皆

其最著者也竊考神之所自不知者以為北魏之伯淵

其知者以為後漢之子玉雖皆名公而實非也仁宗實

錄景祐二年封崔府君為護國顯應公且言府君貞觀

中為滏陽令再徙蒲州刺史史失其名在滏陽有愛惠

民為立祠後因葬其地咸平二年始賜府君之廟而京

師北郊及郡縣奉之如嶽祠至是因民所信向而封崇

之故詔曰惠在滏邑恩施蒲人又曰案求世系雖史逸

其傳尸祝王官而民賴其德使果為子玉與伯淵安得

謂史逸其傳與元符二年即舊號封王大觀七年加封

護國顯應昭惠王淳熙十三年奉光堯聖旨政封真君

然至今以府君為號者尤見其本於為令也樓鑰中興顯應觀記

同治五年祁州知州姜瀚文得崔府君舊錄曰君祁州

古城村人父公讓母劉氏夫人盧氏隋仁壽元年舉孝

廉三年拜太子府傅監煬帝時為太子失德君引疾退

唐太宗貞觀元年詔舉賢才君隱居不仕幣聘再下始受職拜兵部員外郎會山西長子縣猛虎爲害人不能治貞觀十五年授長子令改授滏陽令遷衛縣令十九年遷蒲州刺史兼河北道二十四州采訪使歿於任遺令葬磁州西北隅鼓山西河村之北與崔珏事實相同惜無從考其墓之所在耳

姜瀚文事錄

唐書世系表廣平有劉氏宋氏皆肥鄉人劉卽邵之後考其子孫本傳俱非肥鄉宋氏璟亦遷南和爵仍廣平

康熙志

茅元儀澄水帛云李若水初藁葬於楊州蜀岡紹興十

一年五月二十三遷葬於湖州歸安縣廣德鄉小村南

黃龍塢少傅公塋之左勅賜墳寺額曰褒忠永慶禪院

湖州府志

若水遇害時年三十有五高宗卽位詔贈官及諡

公之葬於吾鄉也茅止生必有所據墓誌銘當時不知

有無姑識於此少傅公不知何許人

湖錄

申公時行序竇氏醫書曰宋有竇漢卿者以瘍醫行於祥符慶歷之間詔治太子病愈封太師以國老稱又曰漢卿合肥人嗟乎漢卿爲有元一代名儒醫特其一斑耳在史傳甚詳以申公之學識猶不及深考且以元爲宋以肥鄉爲合肥以大儒列方技吾不知何所聞見而

敢公然質諸天下也或曰申公大有文名此序曼衍無體裁乃術者託以盜名云因表而出之以告後之讀實氏書者知其家世焉

函樓別紀

陳氏禪說曰一統志載廣平山有轆轤紫荆聰明據今聰明山在臨洛鎮而郡志載邑有鋤子山故書鋤子山而不書聰明志實也人物志如列國李同郡志屬邯鄲固矣當平原君時邯鄲卽趙地未有分割縣名而廣平亦趙地謂同爲邯鄲人可謂同爲廣平人亦可不觀宋之李若水乎若水曲周人按一統志威至唐省入曲周宋後置尋廢若水死靖康之難時威爲曲周地若水未

必非威人也故曲周載之威亦載之而廣邑載李同政此例也宋隱宋弁宋愔宋欽道皆列人人魏書則曰廣平人又曰廣平列人人故收入廣平或曰列人卽肥鄉人也隱弁諸宋當屬肥鄉此亦鳩居鵲巢之說也蓋元魏時列人屬魏尹而東郡則有肥鄉謂隱弁等爲肥鄉人而東郡肥鄉人物將奚屬哉隋馬光郡志收入永年蓋曰大業三年改永年爲武安郡光武安郡人也故名永年人宋李升郡志曰其人永年據宋時廣平縣省入洺州廣平郡而永年亦洺州地故傳升於廣平元郝經初不知何許人也明宣德二年學博顧恂有傳謂經卽

方伯郝珩之高祖珩發身於永樂初去元尙未遠宗派必得於譜記之真者非無稽焉何榮祖吳元珪郡志載永年而金元時永年爲倚郭史曷不直書永年人而曰廣平人卽其墓在永年卽其人在鄉賢而按史以附廣平亦疑以傳疑焉耳姑兩存之以俟後之載筆者

陳鑿辨疑

總論

虛糧冢又名假糧堆郡西北多有之如墳形者數十相傳宋檀道濟伐魏屯兵於此糧盡欲班師恐魏人襲其後夜令軍士堆冢數十覆糧其上魏人見勢不敵夜遁宋得全師而歸此因唱籌糧沙之事而附會也元嘉北

伐足未越河一步安得屯軍於此唱籌糧沙自在歷城非永年也應係前代古墓或姓名音義相近日久訛傳所致耳

永年志

清河謝爐集東北蔡河相傳爲秋胡妻溺處案山東武城縣志秋胡妻溺於蔡河之干在武城西北五里有秋胡妻墓此應是相傳之誤

清河志

金地理志邯鄲有三鎮一曰邯山相傳今城東二十里之代召鎮卽其地

邯鄲志

肥鄉程難堡在城南五里相傳爲程嬰匿趙孤處今訛作城南堡案孔穎達春秋正義曰成二年傳欒書將下

軍則朔已死矣何得八年與同括俱死於時晉君明諸
臣強安容有屠岸賈如此專恣公孫杵臼取他兒代武
程嬰匿武之說妄不可從又考宋史蔡確傳元豐四年
吳處直訪得程嬰公孫杵臼墓於絳地理志韻編絳今
屬山西絳州據此則肥鄉志以程難堡爲卽程嬰匿孤
處固屬附會並以程嬰位鄉賢第一尤覺牽涉退省齋
隨筆
肥鄉縣志云古蒲城後燕慕容紹出蒲池盜苻丕馬卽
此案資治通鑑晉孝武帝太元八年後燕慕容垂遣田
山如鄴密達慕容農等使起兵相應會日暮紹先出至
蒲池盜丕騎馬數百匹以待農楷胡三省注曰蒲池在

鄴城外去肥鄉尙遠縣志誤引

唐詩人司空曙韓門綴學謂係明皇天寶元年幽州析

薊縣所置之廣平縣人

地理志韻編在
今宛平縣西

非今之廣平府

人也觀其詠雲陽寺石竹花詩云一自幽山別重逢此
寺中非指其幽州故山哉然有遊保慶寺詩保慶寺在
今府治之東南隅豈幽州別有一保慶寺耶存疑俟考
漢馮唐吾邺壽王史記漢書俱云趙人皇輿考列入趙
州萬石君石奮父雖趙人奮亦徙居於溫廉范爲趙將
頗後後漢書本傳家京兆杜陵程駿魏書出自曲安六
世祖良卽徙涼州傳監眼雖本清河亦家磐陽隋之張

齋徙淮陰房熊及子彥謙久徙齊各詳本傳至舊志有
梁張暉以星歷奉朝請天監中受詔集天文錄三十卷
孫子信尤精歷數考通鑑梁主即位三年散騎侍郎祖
暉奏其父沖之考古法為正歷至是行之祖暉范陽人
祖沖之南齊書有傳而隋書律志亦有學算於祖暉之
語張子信乃北齊時河內人見北史藝術傳未原其祖
有名暉者是張暉為祖暉之訛以子信為孫更屬附會
又有後唐丁逢吉精於醫術考宋史丁度傳云其先恩
州清河人祖顛陷契丹逃歸徙居祥符父逢吉以醫事
真宗於藩邸是久為祥符人均於廣平無涉俱同上

補遺

稿本已定復有見諸他書及續採訪者略為敘次補錄
於此庶不至泯滅云

魏清陽亭侯裴潛

字文行河東聞喜人明帝時封邑三百戶正始五年薨諡貞子秀嗣

國志本傳 補 第三卷封建

周趙午

邯鄲大夫集解杜預曰午趙成 肅侯令其弟成

史記 趙鞅同族

趙成

與田不禮作亂公子成起四邑之兵入距

蘇秦傳

趙成

難殺章滅其黨賊而定王室為相號安平君據此

自是惠文王時之趙成與肅侯弟趙成當係兩人

李兌

為司寇 史記趙世家 樂毅 惠文王時相 同上

年相國樂毅將趙秦韓魏燕師攻齊十七年

趙泥

正義 趙將

名也 史趙茄 索隱趙神將名也 賈偃 孝成王時 徒父

祺 索隱徒父趙大夫名 龐煖 悼襄王三年 趙世家

漢陳豨 以趙相守代 史孟舒 趙王敖賓客一曰郎中

鉗為王家奴從王就獄 史記 劉盆子 光武帝以為趙

張耳陳餘傳兼漢書高帝紀 史記 馮巡 靈帝時甘陵相 鄭元

漢書叔孫光 安帝時清河相 史記 馮巡 靈帝時甘陵相 鄭元

本傳 趙王康成北海高密人獻帝時 馮巡 靈帝時甘陵相 鄭元

趙王康成北海高密人獻帝時 馮巡 靈帝時甘陵相 鄭元

三國魏楊俊 字季才河內獲嘉人太祖時 馮巡 靈帝時甘陵相 鄭元

唐龐承宗 洛州司馬 馮巡 靈帝時甘陵相 鄭元

宋王儀 字公淑祥符中洛州防禦推 馮巡 靈帝時甘陵相 鄭元

元崔克新 至正中成安簿升井陘尹 馮巡 靈帝時甘陵相 鄭元

見井陘縣重修亞嶽廟碑 馮巡 靈帝時甘陵相 鄭元

獲鹿縣重修鹿 馮巡 靈帝時甘陵相 鄭元

泉神應廟碑 馮巡 靈帝時甘陵相 鄭元

明黃甫洙 字子安長洲人嘉靖十一年進 馮巡 靈帝時甘陵相 鄭元

靖中廣平通判 明史本傳 雷會 江西分 馮巡 靈帝時甘陵相 鄭元

見蔡可教傳 明史本傳 雷會 江西分 馮巡 靈帝時甘陵相 鄭元

國朝程正階 墊江舉人嘉慶中任廣平同知 馮巡 靈帝時甘陵相 鄭元

見肥鄉志 以上補第四卷職官 馮巡 靈帝時甘陵相 鄭元

明袁之中 廣平府學拔貢天啓中任蠡縣 馮巡 靈帝時甘陵相 鄭元

訓導 見保定府志職官表 馮巡 靈帝時甘陵相 鄭元

國朝郭壽輔 威縣舉人雍正 馮巡 靈帝時甘陵相 鄭元

中任祁州學正 潘一桂 廣平拔貢道光中任 馮巡 靈帝時甘陵相 鄭元

王景新 磁州人廩貢成豐元年 劉步青 磁州人廩生同 馮巡 靈帝時甘陵相 鄭元

舉孝廉方正 採訪冊 治元年舉孝廉 馮巡 靈帝時甘陵相 鄭元

方正 同上 馮巡 靈帝時甘陵相 鄭元

上補第九卷選舉 馮巡 靈帝時甘陵相 鄭元

三戶津在滏陽縣界正義服虔云三戶漳水津也孟康 馮巡 靈帝時甘陵相 鄭元

云在鄴西三十里括地志云濁漳水又東經葛公亭北 馮巡 靈帝時甘陵相 鄭元

重修廣平府志 卷六十三 志餘下 補遺 三五

經三戶峽為三戶津 史記賈誼論注

溫泉在易陽世以洗疾治百病 魏都賦注參永年志以上補第十五卷山川

乾隆五十有一年七月廣平奸民段文經及其黨徐克

展張君德等五十餘人作亂大順廣兵備道熊恩紱遇

害總督劉莪聞報馳赴查拏賊黨張君德徐克展惟賊

首段文經遠颺 畿輔通志宦績錄

同治六年梟匪作亂記名提督劉雲鶴追至威縣派總

兵黃名進副將王來敏倪開珩等選精卒三千人同襲

賊於馬莊賊遁去 同上 以上補第三十一卷兵紀

明正統八年廣平府各屬旱蝗 畿輔通志宦績錄

國朝光緒二十年七月廣平府各屬淫雨數日不止漳洺

滏等河漲發平地水深丈餘滄沒田廬無算 探訪冊

九月十七日城西胡辛寨天雨血 同上 以上補第三十三卷災異

北齊盧昌衡字子均范陽人天保初歷平恩令百姓號

曰恩明時稱盧恩之政 北史盧元傳兼序傳

宋孟元喆字遵聖蜀主昶長子昶降宋卒太祖以元喆

鎮貝州在鎮十餘年有治績太宗時移鎮定州 宋史西蜀孟氏傳

王沿字聖源館陶人少治春秋真宗時知宗城縣張知

白薦其才仁宗天聖間體亮河朔饑民所至不俟詔發

倉廩濟之就除轉運副使

宋史本傳

孫固字和文鄭州管城人初為磁州司戶參軍從平貝

州為文彥博言協從罔治之議意協故但誅首惡餘無

所及

宋史本傳

雒于仁字少涇涇陽人萬歷十一年進士知肥鄉有惠

政入為大理寺評事

明史本傳

國朝丁履端字希占常州人乾隆四十四年舉人嘉慶中

令雞澤調威縣威界山左民多健訟某甲為牛踢傷足

誣養牛者聚毆久不決履端至一訊而服李乙父死兩

月控為族人所毆履端曰父讐何事胡不即訴使檢驗

無實恐爾不能當其罪也乙悔謝去夏霖雨不止何水

漫溢灌田廬無算履端亟籌堵築親勘戶口請發賑邑

有義學久廢捐俸葺之暇輒親造講課生童之試者遂

倍於前後修道畿東感寒疾卒

亦有生齋集以上補第四十三卷宦績

元劉時美洛水人至正間任南宮縣發奸勦寇號為神

君盜賊相戒不入境

畿輔通志

明李仁美字元善永年人洪武中舉人才知考城縣勸

農興學治甚有聲其十一世孫炯以諸生抗節申佳允

作永年四烈詩炯其一也

永年志

王甯字清一永年人鶴之孫嘉靖七年舉人知祁縣政

重刊廣平府志 卷之三十三 職官 三
清平調繁內鄉巡按御史某有為同年報怨部民者欲
誣以罪甯執不從忤御史意致仕孫熾字晉之萬曆四
十年舉人選安慶推官亦以守法不阿失上官意罷歸
同上

邵祐磁州監生嘉靖二十一年知新安縣一塵不染而
禁奸治盜法度凜然以憂去民思之

保定府志

劉尙卿字玉尚永年人萬曆四年舉人知宜陽縣政簡
刑平期年間招撫流移二千戶墾荒田無算民李永大
冤繫二十年尙卿為辯釋歲省貼馬起解等費萬緡宜
人口祝之又武定邦字鳳池以舉人任南康同知郡多

盜定邦歷險周巡創立亭柵盜無所容郡賴以安胡棟
字隆菴由歲貢生知林縣縣苦乏水棟為鑿井相其山
泉高下導之入田種稻民德之致仕歸里居三十餘年
年八十七卒

永年志

王萬祺字順山萬曆十六年舉人知夏津縣邑濱通惠
河時殿工大木沿河北運需役三千人他邑皆預僉河
干以待萬祺縱使歸農踰年木始至又以官牛孳犢為
保馬遺法申撫按請變價歸官陞沂州知州值旱蝗至
卽虔禱未幾蝗皆僵死遷淮安同知以疾不赴子奮庸
字光恒萬曆四十六年舉人攝廬州知府勦除流寇督

重修廣平府志 卷之十三 三
修陵工有績

杜汝慤字太初秉彝孫萬厯二十五年舉人知襄垣縣
豪家殺人賂汝慤正色叱之論如法陞大同同知甚著
勞績晉戶部郎中管寶源局稱職復出爲鳳翔知府丁
艱歸不復出日危坐讀易手訂義爻二卷孫震遠霽遠
俱進士俱同上

姜時敏字遜吾成安人萬厯丁酉舉於鄉授齊東知縣
值歲饑且疫時敏捐廉設粥廠施賑濟全活甚衆有廣
文范諫卒於官妻孥貧不能歸捐金送還當路者重之
擢臨洮同知以疾不赴子游龍官趙府審理成安志

冀宏道字性初以恩選入成均授甯陽知縣邑素稱難
治錢穀多不可稽宏道下車清察歷年逋負及吏胥侵
沒不可追比者二萬餘金力請赦免又代徵郟城餉千
七白金抗詞申辯仍歸郟城陞臨洮府同知以直道忤
時竟歸同上

彭希武曲周人萬厯間舉於鄉少聘張氏女未娶而瞽
張氏請絕婚希武持不可于歸後和好終身時服其義
仕至延安同知曲周志

李鼎曲周人四世不析居有司旌之

曹國賓曲周人戊寅之變父母爲亂兵所殺賓痛極絕

而復甦者再有田五十畝給天甯寺為父母資冥福蓬頭跣足淡食終身俱同上

國朝葉騰鳳字瑞虞永年人順治二年進士任信陽知縣以慈惠撫民盜賊屏息擢淮安同知丁艱歸捐金修溢河便民閘鄉人德之永年志

王雍字叔和曲周人以選貢除廣東經歷旋攝清遠篆邑疲民頑慆悍健訟雍持以法紀柔以德惠一時吏畏民懷告退後建五經堂集邑知名士昕夕切劘岳懋王鄭宋叔价輩咸資其陶成先後皆登甲乙榜子澤長亦

登進士劉超凡撰墓志

王頤字及萬曲周人雍之弟順治辛卯舉人官祁陽令祁新刻於兵頤至招集流離使安本業設學校以振人文元氣漸復祁為水陸衝衢民苦郵傳煩重頤力請上官節省其役勒聯高嶺以志永久某大司農子與千佛閣僧爭訟浯溪亭臺歷數令不決頤親勘得實疑案以晰時有神明之頤所著均徭解懸治祁集諸書行世田喜

霽撰墓志

劉復作邯鄲人年十歲父歿家貧甚日與寡母操井日供澣濯糞除之役母病割股鰓天願以身代既歿大慟曰吾母豈可須臾離耶其夜竟縊母柩之側舉人張養

奎為作孝子殉親論邯鄲志稿

朱世瑗字念遠成安諸生性狷介尺寸不踰後舉明經

無意仕進以教授為業一時遊其門者皆能立身砥行

為端士終其身未嘗至公庭人咸重之成安志

徐三略字友房威縣人乾隆五十一年武舉充兵部差

官選湖北沔陽衛守備莅任後德威並用賞罰無私軍

民帖服陞四川敘馬營都司值教匪作亂三略身先士

卒親冒矢石相機勦辦地方賴以安堵因疾告歸善丹

青尤精畫竹有綠筠軒竹譜行世採訪冊

王廷梧字逢源清河庠生博學經史詩文有古大家風

家貧以舌耕自給取子一無所苟嘗以忍讓和三字為

戶牖銘題聯於齋壁曰學淺自知能事少禮疏常覺慢

人多善行書筆力蒼老士林珍之清河志

王福生永年人精拳勇從習藝者以千計咸豐間東匪

猖獗鄉人推為練長賊入境福生率團與戰斬馘無算

後賊見其旗幟即竄避數村賴之以安永年志 以上補第四十六卷

列傳人物

周蘇秦雒陽人游趙因說肅侯曰天下卿相人臣及布

衣之士皆高君之行義願奉教陳忠於前久矣竊為君

計者莫若安民無事且無庸有事於民也安民之本在

於擇交擇交而得則民安擇交而不得則民終身不安
請言外患齊秦爲兩敵而民不得安倚秦攻齊而民不
得安倚齊攻秦而民不得安故夫謀人之主伐人之國
常苦出辭斷絕人之交也願君慎勿出於口請別白黑
所以異陰陽而已矣君誠能聽臣燕必致旃裘狗馬之
地齊必致魚鹽之海楚必致橘柚之園韓魏中山皆可
使致湯沐之奉而貴戚父兄皆可以受封侯夫割地包
利五伯之所以覆軍禽將而求也封侯貴戚湯武之所
以放弑而爭也今君高拱而兩有之此臣之所以爲君
願也今大王與秦則秦必弱韓魏與齊則齊必弱楚魏

魏弱則割河外韓弱則効宜陽宜陽効則上郡絕河外
割則道不通楚弱則無援此三策者不可不熟計也當
今之時山東之建國莫彊於趙趙地方二千餘里帶甲
數十萬車千乘騎萬匹粟支數年西有常山南有河漳
東有清河北有燕國燕固弱國不足畏也秦之所害於
天下者莫如趙然而秦不敢舉兵伐趙者何也畏韓魏
之議其後也然則韓魏趙之南蔽也秦之攻韓魏也無
有名山大川之限稍蠶食之傳國都而止韓魏不能支
秦必入臣於秦秦無韓魏之規則禍必中於趙矣此臣
之所以爲君患也臣竊以天下之地圖案之諸侯之地

五倍於秦料度諸侯之兵十倍於秦六國為一并力西鄉而攻秦秦必破矣為大王計莫如一韓魏齊楚燕趙以從親六國從親以賓秦則秦甲必不敢出於函谷以害山東矣如此則霸王之業成矣趙王曰寡人年少立國日淺未嘗得聞社稷之長計也今上客有意存天下安諸侯寡人敬以國從乃飾車百乘黃金千鎰白璧百雙錦繡千純以約諸侯六國從合而并力焉蘇秦為從約長并相六國北報趙王王封為武安君乃投約書於秦秦兵不敢闕函谷關十五年

史記本傳

齊孟嘗君過趙趙平原君客之趙人聞孟嘗君賢出觀

之皆笑曰始以薛公為魁然也今視之乃眇小丈夫耳

孟嘗君聞之怒客與俱者下斫擊殺數百人遂滅一縣

以去

史記孟嘗君傳

燕太子丹故嘗質於趙而秦王政生於趙其少時與丹

驩及政立為秦王而丹質於秦秦王遇丹不善故亡歸

史記刺客傳

龐共與魏太子質於邯鄲共謂魏王曰今一人言市有

虎王信乎王曰否二人言信乎王曰否三人言王信乎

曰寡人信龐共曰夫市無虎明矣然三人言誠市有虎

今邯鄲去魏遠於市謗臣者過三人願主熟察之

韓子兼後

漢書馬援傳注 以上補
第五十四卷列傳流寓

永年杜從義繼妻訾氏 年二十八夫亡遺子一女三俱幼家貧甚百計營葬如禮含辛

茹苦以撫諸孤俾皆婚嫁以時守節六十二年卒 採訪册

袁錦春妻祁氏 年二十夫亡姑老子幼竭力事撫後姑與子相繼歿守志不渝苦節二十年卒

李連元妻龔氏子濂媳張氏 龔年二十八夫亡遺子女各一日夜紡績訓子讀書

濂入邑庠又早卒媳張氏年二十六與姑茹苦食貧共撫遺孫龔守節四十六年存年七十三張守節二十六

年存年五十二

許大德妻栗氏 年二十九夫亡家貧翁姑老且病氏紡績養親寒暑無間及歿百計營葬以禮

撫子女皆成立守節四十二年存年七十三

仝鳴琴妻任氏 年二十八夫亡無子女家貧以紡績自給苦守四十二年存年七十

李裕芳妾韓氏 年十九夫亡無出或勸他適誓死不從事嫡武久而彌敬守節三十八年存年

五十七 俱同上

曲周卜亮工妻王氏 年十七于歸越三載夫亡無子女誓以身殉乘間自縊於柩側康熙

中旌 賀應 旌撰墓志

王懃妾岳氏 年少夫亡遺子二俱幼氏與嫡岳共勵霜操孝事舅姑勤撫遺孤卒使成立乾隆辛

未年旌入節孝祠 王氏遺書

郎步堂妻史氏 年二十四夫亡事翁姑克盡孝道課子維清讀書卒入成均守節五十一年存

年七十五 採訪册

李天爵妻張氏 年二十八夫亡家貧子幼翁姑老日夜紡績以供旨甘姑歿事繼姑尤謹撫子

成立守節四十九年存年七十七

李激妻閻氏 年二十八夫亡翁姑先卒祖姑在堂年老多病氏日夜侍湯藥衣不解帶者數月及歿盡哀盡禮撫遺服子葵茂成

立守節四十二年存年七十

范青選妻李氏 年十八夫亡無子女誓以身殉繼念翁姑與祖姑俱在堂匪異人任遂飲泣含

悲曲盡孝養撫夫弟尤盡恩勤

守節三十三年存年五十一

劉曜如妻閻氏 年二十九夫亡事孀姑盡孝撫遺孤有方守節三十三年存年六十一

史立功妻焦氏 年二十一夫亡無子女姑與祖姑在堂老而多病氏順志承顏歷久罔懈撫夫姪為嗣恩勤周至守節三十二年存年五十三

以上補第五十五卷列女

漢宋景清河人和帝永元中以歷紀推言水災 後漢書張衡傳

高凌雲字君霖明末監生選樂清令鼎革後隨

王師赴四川以功授成都同知兼攝夔州篆滇寇犯川城

陷乘間遁歸撫軍憐之題補松江同知政刑寬簡士民

賴之 威縣志補第六十卷雜傳

明申羽 字九翔永年諸生散千金產濟貧乏

高思愛 肥鄉人樂善好施初創禪堂寺於路家堡村內為漳水滄沒其子一元一拔一捷改建村外又

割田百畝為夏月施茶冬日捨粥並給貧民

棉衣襦等費至今子孫奉行不衰 肥鄉志

馬鵬飛 清河人明正統五年輸穀豆五百石助賑

邨瓚 清河人宏治間輸粟二百石助修儒學

孫琦 清河人嘉靖間輸輒二萬助修郡城太守陳俎旌其門

殷邦儒 清河人萬厯間歲饑鬻田三十餘畝周濟鄉族全活甚眾有負債者悉焚其券

王欽 清河人辛巳歲荒煮粥賑貧活人無算有邨嘉言者鬻其女母子不忍分離哭失聲欽出金贖還之

李九階 王思安死無歸葬欽施棺收瘞王可勤貧老無子歲給米錢瞻養終身俱同上

國朝李簠 肥鄉監生嘉慶十八年歲大饑與其妻姜氏捐穀賑濟鄉鄰臨終悉焚負券人德之肥鄉志

李懷禮 字近恭成安人佃儻好施有侯某結婚缺聘禮慨助百金歲荒出糧數百石以周貧乏全活甚眾悔少未讀書掃舍備食求同邑碩士會講於其家孫學召廩生學榮增生

陳其皓 字迎旭成安監生嘗設藥室以濟貧病邑令李送櫬還里

李琳 字秀石清河監生成豐元年縣令命修東橋首捐三十金四年髮逆盤踞臨清與清河接壤琳又捐錢二百緡為練勇資五世同居人無間言

清河志 以上補第六十一卷一行

宋有仁 永年人咸豐三年粵匪之亂被執不屈死永年志參採訪冊 補第六十一卷殉難

王美人趙國人祖父苞五官中郎將美人豐姿色聰敏

有才明能書會計以良家子應法相選人掖庭生子協

美人為何皇后所害子協即位是為孝獻皇帝追尊母

王美人為靈懷皇后封美人兄斌都亭侯卒子端襲 後漢

書本紀兼后妃傳 補第六十二卷志餘外紀

周廉頗趙人封為信平君假相國長平之免歸也故客

盡去及復用為將客又至廉頗曰客退矣客曰吁何君

見之晚也夫天下以市道交君有勢我則從君無勢則

去此固其理也有何怨乎 史記趙奢傳 兼後漢書注

樂毅走趙趙王欲與之圖燕毅垂泣對曰臣事昭王猶事大王臣若獲戾放在他國沒世然後已不忍謀趙之徒隸況燕後嗣乎

三國魏志注

漢陳豨少時常稱慕魏公子及將守邊招致賓客常告過趙賓客隨之者千餘乘邯鄲官舍皆滿趙相周昌乃求人見上具言豨賓客盛擅兵於外恐有變上令人覆案豨賓諸爲不法事多連引豨豨恐

漢書盧綰傳

更始元年光武持節北渡河進至邯鄲故趙繆王子林說光武曰赤眉今在河東但決水灌之百萬之衆可使爲魚光武不答去

後漢書光武帝紀

馮異字公孫潁川父城人從光武至邯鄲遣與鈹期乘傳撫循屬縣錄囚徒存鰥寡亡命自詣者除其罪陰條二千石長吏同心及不附者上之

後漢書本傳

隋梁彥光字脩芝安定烏氏人文帝受禪轉相州刺史有滏陽人焦通性酗酒事親禮闕爲從弟所訟彥光弗之罪將至州學令觀孔子廟中韓伯瑜母杖不痛哀母力衰對母悲泣之像遂感悟改過勵行卒爲善士

北史本傳

明薛希蓮字廷器麗水人宣德五年進士拜御史廣平等府旱蝗奉命往視至則黜賊吏蠲逋負弛徵輸嚴令捕蝗乃息是月大雨三苗槁復蘇民以不流亡

分省人物考

文皓字孔暘號西泉垣曲人成化丙辰進士知衡水清
河民投獻德府莊田千頃百姓累年奏辦有司不敢決
至是皓承委勘實卽歸於民

錢如京字公傳桐城人宏治間進士以監察御史巡畿
內清河蓮花池鹵地千頃爲貴戚所據歲徵一萬七千
餘兩民不堪命京以奏下悉請歸諸民民德之立祠祀

焉俱同上

國朝塗廓遼東人任河南河北兵巡道駐磁州順治六年
賊陷隆平逼武安廓率兵奪擊馬蹶死之麾下蘇某亦
力鬪死贈光祿寺卿建祠以祀

大清一統志

顏檢字惺甫廣東連平州拔貢嘉慶五年護直隸總督
永年民梁日新勒斃繼妻白氏及媳張氏一案訊由白
氏攜前夫女張氏再醮梁自新自新子有幅以愚駮爲
白氏所嫌時加凌虐自新念係獨子媒聘張氏爲有幅
妻冀白氏因愛女并憐其子詎白氏憎詈如故復縱張
氏與族孫果順先通姦爲自新父子窺破遽商同謀毒
有幅自新摻出毒食忿欲鳴官白氏母女轉毆逐有幅
自新憤極先後將白氏張氏勒斃準律毆妻至死應絞
監候惟白氏怙惡不悛與夫恩義已絕與尋常斃妻有
間請從輕改爲杖流

上躋其議

加恩減為杖一百徒三年

畿輔通志宦績錄 以上補第六十二卷志餘雜稽

祁慶紱永年人同治初年壽登八十子四人孫二十四

人曾孫十人元孫一人五世同堂

採訪冊

郭尙綱肥鄉人同治元年壽登八十五世同堂縣令楊

毓柟旌以昇平人瑞

肥鄉志

孟憲春號宜堂永年人貢生光緒六年春正月一夜夢

見東南隅羣星聚一魁字大如斗急呼其子慶榮往視

比至字猶在而明光少退醒而異之是秋慶榮舉於鄉

庚寅成進士殿試卷閱者本擬第二人進呈後移至第

八遂以二甲五名入詞林蓋星徵也

退思齋筆記 以上補第六十二卷

志餘 祥瑞

漢馮巡靈帝光和中遷甘陵相家馬生人京房易傳曰

上亡天子諸侯相伐厥妖馬生人後黃巾起巡為所殘

殺而國家亦四面受敵

後漢書 五行志

甘陵甘始善行氣老有少容頗怪言如言車師之西國

兒生擘背出脾欲其食少弩行取鯉魚一雙俱投沸膏

中一游行若處淵一熟而可噉

三國志注 以上補第六十三卷志餘怪異

周荀卿史記儒林傳作趙人而漢書刑法志師古注曰

楚人姓荀名況避宣帝諱故改曰孫卿案荀卿由齊適

楚春申君以爲蘭陵令春申君死荀卿廢因家蘭陵師

古誤卽以爲楚人也

復古軒
隨錄

漢徐樂史記主父偃傳作趙人漢書作燕郡無終人考地理志無燕郡而無終屬右北平據此則班馬必有一誤存以備考

戴德載聖史記漢書儒林傳曰梁人而新唐書宰相表云漢信都太傅戴德世居魏郡斥邱成安志因之作戴氏世譜似非無據補記於此俟詳考

趙騰清河人順帝時上言災變譏刺朝政收騰繫考張皓上疏諫帝悟減騰死罪一等而楊震傳作河間男子趙騰詣闕上書指陳得失帝怒收考詔獄結以罔上不道震上疏救之帝不省顧炎武日知錄曰此安帝時事豈其有兩趙騰耶

鄭樵通志赤狄都洺卽今肥鄉案洺水由臨洺關經承年入雞澤距肥鄉甚遠斥漳縣隋改洺水在曲周宗城縣金改洺水卽威縣赤狄所都決非肥鄉地廣平府唐始曰洺州春秋時無此名鄭氏赤狄都洺之說殆由後追敘耳又肥鄉古蒲舊縣志謂春秋晉獻公二十年重耳奔蒲卽此案獻公都絳今山西絳縣夷吾居屈今石樓縣重耳居蒲今蒲縣名偶同耳時地屬衛未屬晉非

是俱同上以上補
第六十三卷辨證

敘傳

郡志創修於明成化間太守秦公民悅閱七十年至嘉
靖庚戌翁公相又閱百三十年至

國朝康熙丙辰沈公奕琛又閱七十年至乾隆乙丑吳公
穀先後相繼修輯歲月遞遷至今又近百五十年老成
彫謝流風漸邈吏無所據民無所依同治中通志開局
臺檄屢催迄無以應識者憾之光緒庚寅平江吳曉滄
觀簪來守斯郡厲精圖治百廢俱興培植士林因時損
益慨前志之墜緒思接軫而承先不棄愚疏屬為編輯
復招本籍承學嗜古之士相助搜討於是廣稽羣籍參

摭見聞類別條分次第排纂舊志沿襲原文承訛踵謬
如封建錄薛歐職官列號芝人物西漢梁國之二戴德聖
北魏武城之四崔伯浩休瑾獨孤永業洛州誤入洺州清河
張揖曹魏誤入元魏是也尤有甚者南清河強之爲北
宋威州溷入於元魏程駿祖徙涼州唐周思鈞籍本漳
南宋韓令坤明言武安金毛佺明注恩州亦皆收入列
傳自相矛盾韓崇訓而易其姓烏古論而失其名凡此
之類不勝枚舉今博考前聞悉加釐正凡所援引皆注
書名正其譌者十之三補其闕者十之四懲子目之紛
仍并大宗爲統滙以綱馭目分圖表略錄傳志餘凡六

十四卷其敘曰

大哉

綸綍疊沛

畿南

軫恤民莫十邑

恩覃述

詔諭瞻彼叢臺

翠華莅止

睿藻留題千秋紀美述

宸章凡二篇弁爲卷首一方志乘古重圖經辨方正位式準

重修黃三府志

卷六十三 敘傳

二

前型高下險夷嶽峙淵渟開方計里燦若羅星述輿圖
凡十有九郡縣天下漢承秦舊割隸併分古今異構述
沿革剖符建國維藩維屏自周迄明利弊相乘述封建
分職設官州縣隸府奮武揆文是依是輔述職官科目
取士肇自隋唐制舉薦辟汲引多方述選舉凡表四篇
卷十有二昴宿分野晷影測天神廡婁紫泐貫諸川關
津扼要鎮堡星躔省方問俗稼穡爲先述輿地溢水漑
田千百餘頃永曲磁邯周流四境賢守遺規導渠引井
溝洫有書傳之永永述水利城池公署厥政維工備荒
貢賦朝野胥豐祿餉鋪役驛遞遐通國之大事在祀與

戎述經政重道崇儒士爲民首肅肅黌宮人文淵藪課
士養蒙獎勵啟牖備錄新章用垂悠久述學校戰國趙
地控扼山河勝衰得失史冊紛羅屢經兵燹上千天和
分編紀錄水旱干戈述前事藝文有志權輿蘭臺隋唐
經籍名實兼賅周官外史方志胚胎剝膚存目以諗將
來述藝文斷碣殘碑留遺自昔出土斑黃摩崖蘚碧考
古訂今經緯史冊集錄一篇吉金樂石述金石信宮葛
孽古史相傳甘陵毛墓載在簡編琳宮梵宇名勝千年
後人憑弔開卷流連述古蹟凡略八篇卷二十有九名
宦之篇易名宦績代有循良令聞歷歷世遠年湮莫詳

實迹據書錄存庶免指摘述宦績爲錄三卷舊志列傳
不以類次一歸於同尙存古義文苑儒林名臣循吏孝
友隱賢編年以誌述人物貞烈淑媛賢明節孝年例克
符並嫺姆教巾幗完名寶婺光耀彤管揚輝是則是倣
述列女星卜書數方伎專精名醫國手良相同名明心
見性術妙長生緇流方外終異中行述藝術仙釋勳垂
竹帛行止多虧英才幹濟傾險邪詖媚權附勢功不掩
疵特列雜流以警來茲述雜傳凡傳三篇卷十有五
善不遺一行可取道拾遺金療親割股兵劫迭遭殘及
孺豎錄厥姓名以傳千古述一行殉難爲錄一卷零星

瑣事入傳不倫傳及妃后僭妄褻尊靈芝之耆耆

國家祥瑞五世同堂尤當表異神奇怪誕藉廣見聞辨疑

補闕識作殿軍述志餘二卷

景桂

曰自癸巳歷甲午閱

二十月而志稿克成固 太守信任之篤抑同志襄贊
之功惟文獻久佚采訪是憑有無遺漏冒濫尙俟後禩
之折衷永年胡景桂撰

北 戈 段錫嘏 捐銀壹百伍拾兩

辛 寨 白雲衢 捐銀壹百伍拾兩

城 內 李寶樟 捐銀壹百貳拾兩

北 關 侯 鑛 捐銀捌拾兩

南 關 焦清吉 捐銀伍拾兩

尹 固 村 冀太然 捐銀伍拾兩

曲周縣捐紳

來 村 王國堂 捐銀捌拾兩

劉 上 寨 王樹棠 捐銀柒拾兩

西 馬 連 固 袁占臣 捐銀柒拾兩

馬 蘭 頭 劉大用 捐銀陸拾兩

前 寨 賈 祥 捐銀陸拾兩

肥鄉縣捐紳

京 科 張含金 捐銀壹百伍拾兩

南 劉 固 白坤元 捐銀捌拾兩

南 杜 齊 單繼興 捐銀柒拾兩

張 耳 莊 李 岷 捐銀陸拾兩

又 李逢時 捐銀伍拾兩

雞澤縣捐紳

趙 家 莊 趙肯堂 捐銀陸拾兩

西 六方 李舒長 捐銀陸拾兩

又 安汝止 捐銀伍拾兩

小寨趙家莊 趙長發 捐銀伍拾兩

又 趙金鎔 捐銀伍拾兩

榆林 張庭桐 捐銀伍拾兩

小寨 董洛清 捐銀伍拾兩

南莊 李生花 捐銀伍拾兩

廣平縣捐紳

孟固 楊逢壺 捐銀叁百兩

雙廟 韓雲瑞 捐銀貳百兩

披羅營 郭上田 捐銀壹百伍拾兩

邯鄲縣捐紳

李家莊 李國瑞 捐銀叁百兩

城內 任之俊 捐銀壹百伍拾兩

東賈堡 韓以立 捐銀壹百伍拾兩

成安縣捐紳

郎堡 黃金誥 捐銀貳百伍拾兩

城內 王慶潮 捐銀壹百貳拾兩

北徐村 李振湘 捐銀壹百貳拾兩

又 李鏐 捐銀壹百貳拾兩

北漳堡 霍青雲 捐銀壹百兩

城內 唐仲麟 捐銀壹百兩

西來村 李江城 捐銀伍拾兩

西來村 孟重仁 捐銀伍拾兩

中郎堡 常省吾 捐銀伍拾兩

南散胡 賈錦 捐銀伍拾兩

路固村 楊雲周 捐銀伍拾兩

威縣捐紳

徐家莊 徐雲翥 捐銀貳百兩

方家營 方寶樹 捐銀貳百兩

七級鎮 尼士魁 捐銀壹百伍拾兩

桑家莊 王金鑾 捐銀柒拾兩

七級鎮 李連三 捐銀伍拾兩

郭田莊 劉淮洋 捐銀伍拾兩

清河縣捐紳

王官莊 楊震昌 捐銀壹百伍拾兩

又 張鳴宸 捐銀壹百伍拾兩

謝祿鎮 謝崇山 捐銀陸拾兩

范家莊 范清塘 捐銀伍拾兩

磁州捐紳

响水亮 張叙功 捐銀貳百兩

范村 張潤芳 捐銀貳百兩

時村營 孟泰臨 捐銀壹百兩

東光祿 董成章 捐銀捌拾兩

彭城鎮 王道隆 捐銀陸拾兩

泥河 霍世駿 捐銀陸拾兩

以上共收銀柒千玖百柒拾兩整

銀欸付數

一付撥修府文廟經費 銀伍百兩

外知府另捐銀伍拾兩公宴撥捐銀貳拾柒兩府學教官捐銀伍拾陸兩肆錢郡紳胡景桂捐銀伍拾兩

又城內各紳捐銀柒拾捌兩十屬教官十一學生童共捐銀貳拾肆兩陸錢伍分捐錢玖百肆拾肆百文均有細冊由監修紳董造報存府工房

一付撥修郡城文昌閣經費 細冊存府工房銀貳千伍百兩

一付撥修郡城經藝義學經費 細冊存府工房銀壹百兩

一付印志書三百部紙張 銀肆百柒拾柒兩貳錢壹分

一付禮部查 乾隆十一年起 職官紙筆費 銀拾壹兩貳錢玖分

一付局用 關聘薪水節 敬酬儀各項 銀壹千貳百陸拾伍兩陸錢肆分

一付抄寫 志書毛邊格子 紙并刻板各項 銀貳拾兩柒錢叁分

一付兌錢 捌千貳百肆拾肆 千柒百柒拾陸文 銀貳千伍百玖拾伍兩壹錢叁分

以上共付銀柒千肆百柒拾兩整

除付淨餘銀伍百兩整

錢款收數

一收兌銀 貳千伍百玖拾伍兩壹錢捌分共入

錢捌千貳百肆拾肆柒百柒拾陸文

錢款付數

一付刻志書六十四卷工價

錢伍千壹百伍拾肆千文

一付印志書三百部工價

錢陸百拾千文

一付抄寫志書字工

錢肆百叁拾伍千伍百玖拾捌文

一付搨十屬記大小二百八十八張

錢玖拾伍千肆百文

一付局用月費節賞各項

錢叁百柒拾柒千文

一付局用火食煤炭油燭暨雜用各項

錢壹千叁百肆千捌百叁拾捌文

一付內津運回 印志書紙張脚力

錢肆拾千文

一付藏板六丈 并做夾板工料

錢伍拾壹千壹百肆拾文

一付添印 粉料包做

錢壹百陸拾千文

一付續賞 刻字匠修補字印書匠拆訂

錢貳拾千文

以上共付錢捌千貳百肆拾柒千玖百柒拾陸文

除付不敷錢叁千貳百文由府捐廉彌補

以上收付各賬均有細冊附卷存府禮房所有餘

銀伍百兩暫存郡城文昇當舖留備湊撥十屬公車

生息之用

